


BAHEBRAYO, CHIPATI CACILOBA ²

 Ulelekwe! Ndi yeeya kuti, lutaanzi, tu jisi muvwanda muniini awa, Doc wandaambila mu maminiti masyoonto buyo ainda, mukwesu wangu, mukwesu ku nyama, oyo wali kuyanda... wa ku tuula. Elyo lino ikuti na abo bamatumbu bajisi twana twabo nto bayanda kutuula ku Mwami, tula kkomana kuba ambabo ndyoonya lino kuboola, kuleta bana babo baniini.

²³⁹ Lino, alimwi bantu banji, balo, eco ncobaita kuti, kuba bbizya. I mbungano ya Methodisti ilacita, alimwi Ndila syoma aya Nazareni. Nseli masimpe. Peepe. Ndi yeeya kuti ali ceeco mpoba kaandaanina, akali alubbizyo lwa bavwanda, ba Nazareni a ba Free Methodisti. Pele, nekubaboobo, bamwi babo, bala cita cintu cimwi a cimbi. Pele, alimwi bamwi babo batila maanzi maniini ali mbabo. Bamwi bala basansaila. Elyo, pele lyonse tu sola kukkala camunsi buyo ku Bbaibbele mbuli mbo tuzyi nzila. Lino, takukwe Lugwalo mu Bbaibbele lwa muvwanda kusansailwa, naanka kuti kuli Lugwalo mu Bbaibbele lwa muntu umwi kusansailwa. Ta cili cintu Calugwalo. Ayo malailile aa mbungano ya Katolika.

²⁴⁰ Pele bala—bala cita, baleta... Bala leta bavwanda baniini kuli Jesu. Elyo—elyo tweeled kubatuula kuli Nguwe. Tu yanda kucita cintu nciconya eco Nca kacita. Wa kabikka maanza Aakwe ali mbabo a—a kuba longezya, akuti, “Amuleke bana baniini basike kuli Ndime, nkabela muta bakasyi, nkambo bali boobu mbo Bwami bwaku Julu.” Elyo nce ncico ncotu zumanana kucita okuno ku cikombelo, mbuli mbo tusola kuzwidilizya Bbaibbele lini, nzila yakasalazigwa, kububotu loko mbo tuzyi nzila.

²⁴¹ Aboobo lino, ikuti na oyo mutumbu, na bamatumbu bamwi bajisi bavwanda babo baniini bayandika kutuulwa, kuciindi Mucizi Gertie nalizya kuti *Amu Balete Mukati*, baa, amuba lete atala ku cipaililo. Mukwesu a Ndime tula seluka a kutuula bana baniini ku Mwami. Yaa.

Mukwesu Neville. [Mukwesu Branham a Muwesu Neville batuula bavwanda. Kabeela katakwecintu aa teepu—Mul.]

²⁴² Nda lumba, Mucizi Gertie. Eco cili kabotu loko. Mbangaye bayanda bana baniini? Ikuti na tociti, kuli cintucimwi cilubide kuli nduwe, kuli cintucimwi cilubide.

²⁴³ Lino, sunumasiku, lino kunjila mu kuswaangana kumwi. Twa...kaambo nce Nda selemuka alubo sunumasiku. Kanji ku mazuba aya cindi twa ba kuswaangana kwakuponya, Ndi jana biyo buzuba bomwe, nkaambo kundipa ku zungaana. Tamu

ka cizibi. Alimwi okuno ku muunzi nkubi mbuli kobile mbuli koonse kumwi kumbi.

²⁴⁴ Elyo Nda kali kulilekelela ku kucita bulubizi bwabufuba mbuli Mbwe cita cifumo cino. Pele cintu citaanzi candi nyonganya, cali cindi Billy naboola kundaambila kuti ta konzya kujana bantu bakubwene baku vozya makkaadi amipailo. Wa konzya biyo kuvozya atandila ku kkumi aabili na kkumi aone. Elyo wa kajisi ii. . . Taakwe muntu walikuyanda makkaadi aamipailo. Ndi yeeya kuti zintuzyonse zyali kabotu. Aboobo mpawo, kuli ceeco, Nse yeeya. . . Elyo mpawo cindi Ne talika kwiita ayo makaadi aamipailo, Nda yeeya kuti Ne jana onse ali kkumi na kkumi aobilo, na kufumbwa aliko omuya. Balu baitwa. Nda jana mweelwe umwi, cintucimwi, nkabela tii caitwa. Alimwi Nda ita. Tii caingula. Elyo Nse ciyeeya kusikila Muka. Wood na ndiita. Waa ti, “Mukwsu Branham, Billy ula bweza makaadi a kwaasanganya sanganya antoomwe, aku bavozya ncobeni. Kwayanda wajisi oyo mweelwe wa thrii,” (embo na?) “mweelwe wa thrii mu nkomo yakwe.”

²⁴⁵ Masimpe, kanji ulaavozya onse ali makumi osanwe. Cindi aaleta kunembo lya bantu, ula sanganya sanganya. Aboobo boonse. . . Ta kuli kwaamba kuti, “Kondipa namba wani.” Na, kwayanda inga tii twa talikila aa namba wani. Inga twa talikila aa fifite, to zyi, aku jokela kuya kusule. Inga twa talikila aa eiti a kuyabuya atala. Kwayanda kutalikila aa twenti a kuyabuya atala. Ta tuzi. Pele wa sanganya sanganya buyo akwaavozya ku bantu mbuli mbo baayanda. Elyo, Mebo, kuta yeeye kuseeni oku, Ni ndaita one na osanwe ambi, elyo niba tali waano, nkaambo kwayanda niwaba kule ku matwenti na matheeti kumwi, nywebo mwabona. Elyo, mpawo, pele Mwami waka cibeleva, pele ta ceelede kuba i—i kusyanikizigwa kwini kuli ncico, mbuli mbocicita kutali ku muunzi. Kwayanda nse cisola—cisola alubo.

²⁴⁶ Pele, okuno ciindi calino, Nda kalomba Mwami ikuti Ka ndipa muswaangano mubotu, elyo Nda kasyomezya kuti Nse—Nse ka Mu lombi limbi, nkaambo cakali cintu ciyumu. Elyo kuliimpene ku Lugwalo. Mwabona? Elyo ikuti na. . . Eco cicibamba kuyuma kuli ndime. Nkaambo, mukuziba bobo, cindipa ii—ii kuzundwa, ku kutalika. Mwabona? Ndila zundwa, kuzwa kumatalikilo.

²⁴⁷ Nekubaboobo, umwi waita muntuumwi masakati aya. Muka. Wood waitwa aa muntuumwi. Elyo kaamba, kuti, “Muntuumwi mu mbungano wali kwiita kuseeni oku, kujatikizya muntu wa cisidwe, kapati kapayi, oyo waboola kuli Kristo masakati aya, kumane.” Kuteeti i—i mwaalumi wa cisidwe kapati waboola kuli Kristo.

²⁴⁸ Elyo cintu cimbi, Muka. Wood wandaambila kuti Nda kanana kuli nguwe, mucizi wacipati, kuteeti Nda kali mu

ng'anda yakwe ncobeni buzuba bumwi a kulya cisusulo a nguwe, na cilalilo anguwe, kumusanza mu Kentucky. Elyo Leza Singuzuzyonse ulizi kuti Nse kamuziba oyo mwanakazi. Mwabona? Mbo mbubo. Buyo. . . Zilengaano zila lyeendelezya. Ta tuzibi mbo ziya kweenda na cintu ciya kucitika. Cili kuli Leza, alimwi eco—eco cicitika. Pele Nse zyi, mu kulindila nzizyo, kulindila okuya.

249 Elyo buzuba bumwi cindi oyu musimbi muniini wakali omuno, oyo wa keelede kuba akutweluka, oko Nda, kutali. . . Mwabona, ikuti na Leza wapa eco ku inyika yonse, inga caba kabotu; pele ikuti na cakali obo, cakali impene kuli ceeco Nca kandaambila kutala lya kagwagwa awa, nywebo mwabona, myaka misyoonto yainda. Elyo twa kali kuyanda kuba masimpe kuti eco cakali luleme, a kulekela mbungano, mukuti yakali okuno, mwa cibona. Elyo aboobo Nda katumina Muka. Snyder. Mucizi Snyder. Mpali awa abusena bumwi. Ujisi buyumuyumu aniini kumvwa. Elyo mulindu muniini wa cikananina ansi, a kuti, “Ujisi romatizimu,” na coondamazwi, cintucimwi mbuli ceeco.

250 Kwalo, Nda lizyi kuti kakalिकासolo kakatyokede. Elyo aboobo, elyo mpawo Muuya Uusalala wacileta eco mukati kuseeni oku. Mwabona?

251 Lino, ino ncinzi, calo ncipego Cabuleza, alimwi cila beleka mu kulyeendelezya kwaco. Pele cicibamba kuyuma kapati omuno mu dolopo, kusyomeka, Ndila—Ndila zambwa, ciindi conse, mu kukombela balwazi okuno. Na—na. . . Njo unka, kwaambila bantu eci. Njo unka, kwaamba, “Lino Mwami waku muponya. Jesu waka muponya cindi Na kamufwida, myaka yakainda ili cuulu a myaanda ilifuka. Nkoonya okuya mwa kaponesegwa. Lino, kuciimo mbuli Leza mbwalanganya, kuciimo mbuli Kristo mbwalanganya, mwa kaponesegwa, myaka yakainda ili cuulu a myaanda ilifuka. Malwazi anu akamana. Citola lusyomolwanu kucicita.”

252 Elyo mpawo oyo muntu inga waunka konse a kuta ponesegega. Mpawo muntu ula vuuluka, akuti, “Mukwesu Branham waka ndaambila kuti Nda kaponi.” Mwabona? Ndi kwaambila eco Leza nca kaamba.

253 Lino, cindi caambwa cigaminina ku muntu, cigaminina, “Ngu MBUBOBU MBWAAMBA I MWAMI,” aa cintu cimwi eco ciya kucitika. Eco ciyo tondezya kuti mpoonya alya kuti kuponesegwa kwako kuli kwabilidwe kale. Lusyomo lwako lwa kakunamatika. Mwabona? I cisyomezyo nci cako. Tali ijwi lyangu. Ndi Ijwi lya Leza, nkambo waka ponesegega kale. Mwabona? Pele yebo buyo. . . Bumwi bumbi, Nse—Nse konzyi ku cinjizya kumvugwa ku moyo, ku bantu bali omuno mu Jeffersonville. Nse—Nse konzyi kucileta kucitika. Ndi lizyi. Njo

sola kupandulula akwalo mbuli Mbwe konzya, alimwi taci—taci kacitiki buya. Kwa mana. Nda amba . . .

254 Okuno, ciindi calinolino, Nda kaunka ku ng'anda, ku muntu, nkabela muntu wakali kufwa. Elyo baka nditumina kuti, “Boola, zomu kombele. I dokotela wakati ta kaponi citabiyo kusikila kuseeni.”

255 Nda kanjila. Elyo mwaalumi mukubusyi waka ndaambila kuti, “Ba. Branham, Nse yandi kufwa.” Baa, nicobeni mulombwana mukubusyi takali kuyanda. Wa kajisi mukwasyi wa bana bobile okuya.

256 Ee, Nda kafugama. Nda kati, “Lino langa, nguni dokotela wako?” Wa kandaambila. Nda kati, “Lino, dokotela antela wa kaamba kuti uyo cita, wa kali kuyoofwa, pele Leza ta kaamba kuti wakali kuyoofwa.” Nda kati, “Lino, kweendelana ku Bbaibbele, waka ponesegeka kale, nkaambo Jesu wakafwida kuponesegeka kwako.”

257 Wa kati, “Sena ula syoma kuti Njo obakabotu?”

258 Nda kati, “Ndila kusyoma cakumaninina.”

259 Ee, ikuti na Nda kainka kuyo kombela muntu, nkabela tiinda kabelesya oyo musyobo wa lusyomo, ku musyomena; ikuti na Nda inka, “Oh, peepe, peepe, ikuti na dokotela wakaamba kuti wa kali kuyoofwa, wa kali kuyoofwa. Eco cila cibamba lino.” Lino, sa oyo inga taaba muntu umwi waku boolela kukombela? Inga nseyanda oyo muntu mu ng'anda yangu, kundi kombela. Ndi yanda muntuumwi oyo, nokuba kuti ta kacibona, nape, inga wabweza lusyomo a kwiimikila a cisyomezyo nkambo ka ndime. Mbo mbubo. Elyo Nda kati . . . wa . . .

260 Twa kaunka a kuyooba amupailo. Nda kati, “Lino koba abukozu bubotu.”

261 Wa kati, “Sa waamba kuti Njo pona?”

262 Nda kati, “Baa, masimpe. Ijwi lya Leza lyakati uyo pona. Mwabona, ‘Ikuti na wakonzya kusyoma, zintu zyonse zila konzeka.’”

263 Wa kati, “Ncibotu, Njo Li syoma.” Elyo wakainka akwaambila mukaintu wakwe kuti . . .

264 “I muntu uli mukufwa, embo na?”

265 “Iiyi, uli mukucita.” Elyo aboobo buzuba bwakatobela, muntu wakafwa, na mazuba masyoonto kwinde ceeco.

266 Mpawo oyu mwanakazi wakainka a kutalika kunywa akulilemeka bumwi. Elyo umwi waba madaikona, Nda syoma mbwakabede, wa mbungano eyi, wakainka ku mwanakazi a kumulomba kuti kajokela a kupilukila ku mbungano. Waa kati, “Inga tiinda syoma muntu. Mukambausi Branham wakasika omuno a kukombela mulumi wangu, kati wa kali kuyo pona,

nkabela wa kafwa mu mazuba obilo na otatwe kwiinde boobo. Aboobo, Inga tiinda syoma.” Lino *waa* kali kufwa. Yaa.

²⁶⁷ Pele, nekubaboobo, nywebo mwabona, ciinka buyo kutondezya kuti bantu taba bikkili maanu ku cintu nco wamba. Mwabona? Cilimasimpe. Ikuti na Nda kakombela muntu, elyo Nda—Nda ambila bantu kuti bayo pona. Ndila syoma kuti bayo pona. Pele, takukwe makani, ikuti na ijwilyangu lyakali MBUBOBOBU MBWAAMBA I MWAMI incobeni, nkabela to Li syoma, inga uyofwa, nekuba. Cilimasimpe. *Ngooyu* MBUBOBOBU MBWAAMBA I MWAMI, nkabela bunji babo bala Utambala a kufwa. Bunji bwabo baunka ku gehena, kakuli ngu, MBUBOBOBU MBWAAMBA I MWAMI, “To elede kucita.” Sa mbo mbubo? [Mbunga yaamba, “Ameni.”—Mul.] Masimpe. Mwabona? Nceeco ci . . . Conse ciyaamina aa lusyomo lwako.

²⁶⁸ Mukwesu Collins, Nse syomi kuti mpali sunumasiku. Pele nkemuswiilila kuseeni oku, wapa bukanazi wa camba loko ali ceeco. Mwabona? Mwabona? Wa cita. Wa ti, “Lino, lusyomo ndulunya ndo jisi atala awa, weelede kuyooba andulo alya. Nkaambo, ndusyomo lwako lwabugame, kutali mukabungwe kako, pele muli Kristo. We elede kuba a lusyomo olo.” Obo mbombubo ncobeni buya. Nconzyo.

²⁶⁹ Alimwi kuponesegwa kwa Buleza kuyeeme aa lusyomo lwako. Pele kweendelana ku Ijwilya Leza, MBUBOBOBU MBWAAMBA I LEZA, kuteeti muntu onse waka ponesegwa cindi Jesu nakafwa aa Kalivari, “Wa kayaswa nkambo ka nsotoko zyesu, ku mibunda Yakwe twa *ka* ponesegwa.” Kuli kabotu? Twa *ka*. I Bbaibbele lyakati, “Wa ka ponesegwa.” Aboobo uta jani butongo muli ndime, Ndili mukambausi buyo wa Ijwi. Koya ku kaambile Leza kuti Wa kaamba cintucimwi cilubide, nkabela Leza uyo kwaambila awo bukompami bwako mbo bubede mpawo. Mwabona? Aboobo, nku lusyomo lwako. Jesu wakati, “Ikuti na wakonzya kusyoma. Ikuti na wakonzya kusyoma.”

²⁷⁰ Lino, cindi wamvwa Muuya Uusalala kuti wa simpikizya lusyomo lwako a kuli bombomeka a kuti, “MBUBOBOBU MBWAAMBA I MWAMI, ‘Juunza ku ciindi eci cili *boobu*, uyooba a cintu cili *boobu*. Cintu cili *boobu* ciyo citika. Ciyooaba okuno munzila ili *boobu*, nkabela uyo swaana cintu cili *boobu* awa. Ciyooaba citondezyo kuli nduwe.’” Lino, langilila eco. Oyo mulimo uumanide, mpoonya awa lino.

²⁷¹ Pele cindi casika kwaamba kuponesegwa kwa Buleza, Nde elede kubikka kuponesegwa kwa Buleza aa mbaakani yomwe, ya cianza eci, mbuli lufutuko. Umwi aumwi wanu, takukwe makani nco kacita, waka futulwa kuzwa eelyo Jesu nakafwa, nkaambo Wa kafwida kufusya zibi zya inyika. Pele taku kakugwasyi nokuba kumwi kusikila uka kutambule cigaminina a kucitikilwa nkuko. Pele kuciimo ca zibi zyako, zya kajatilwa

kale. Mbo mbubo. Wa. . . “Amuubone Kabelele wa Leza uugusya zibi zya inyika.” Mwabona? Mpaawo we. Lino amuyeeeye eco.

²⁷² Lino, Ndi lizi kuti mu kuyiisya, mu Magwalo, tuli mbunga isangene. Elyo ziindi zinji, mu Bbuku lya Bahebrayo, mubwini lyalo ndi Bbuku lisakene. . . Njo cita kulisiya kwa ciindi cikubwene lino. Njo sola sunumasiku kumanizya cibeela camamanino ca chipati ca 7.

²⁷³ Elyo lino kuli mibuzyo minji mu mizeezo yanu, kwiina kuzumbauzuya. Bunji bwanu muli jisi mibuzyo, nkabela inga Ndaba yalo, ambebo. Lino, ciindi citobela, na Mwami wayanda, cindi Nda kuboola. . .

²⁷⁴ Ndiya ku Michigan lino. Elyo mpawo, kuzwa ku Michigan, Ndiya ku Colorado. Elyo kuzwa ku Colorado, kuya ku Nkomwe ya Kumbo. Lino—lino, cindi twaa kusika, na Mwami wayanda. . . Lino, Ta ndizyi. Ikutina Nta kabi mu Chicago, Munsondo, ndiza Ndiyo jokela okuno Munsondo masiku muboola.

²⁷⁵ Lino tu tantamwide mweembeli wesu kuzwa ku cikambaukilo okuno kutandila mvwiki zili cisambomwe, konse kwiinda muli aya—aya—aya, eli Bbuku awa. Mwabona? Lino tu. . . Nse yandisiyi kucita ceeco. Mukwesu Neville walo mukwesu, ubotelezuya, sibuyaya uli kabotu. Elyo Ndili masimpe kuti eyi mbungano ila muyanda Mukwesu Neville.

²⁷⁶ Kumwi nkooku, kuciindi Ndano kanana; muntuumwi, mu cisi eci kubusena bumwi, ula mulandu wa kulemba makaadi, akugusya Mukwesu Neville ku cikambaukilo eci. Uyo yandika kubamba eco a ndime. Uh-huh. Mbo mbubo. Uh-huh. Iiyi, nconzyo. Lino, Ndi yanda kuti mu. . . Kati i dai- . . . cintucimwi cijatikizya bboodi ya bamadaikona. I bboodi ya bamadaikona tai jisi cintu comwe cakucita a mweembeli oyo. Peepe, munene. I mbunga, antoomwe, nji jisi bwami. Tai ji. . . Ii bboodi ya bamadaikona nja busilikani buyo okuno mu mbungano eyi, kubamba buyo matobelanwa azimwi. Pele cindi casika ku milawo, mbungano yonse yeelede kwaamba boobo. Eyi mbungano iyakidwe a kulyeendelezuya kwa mbungano ya mubusena. Nkikaako, Nse jisi ca kwaamba mu kugusya oyu mweembeli, na kubikka umwi mukati. Ndili mukamwini wa nyika; yakapegwa ku mbungano. Nyoonse muli mbungano. Nywebo nobantu nde ndinywe mweendelezuya. Muli mbungano, lwanu. Elyo Mbungano, Mbungano iisalala iya Leza ila lyeendelezuya, ya Muuya Uusalala mu Mbunagno eyo. Elyo cintu biyo Nce cita nkuba mukamwini wa nyika, kwiipa ku mbungano eyi mbuli kwiipa ku mbungano, nkabela taibbadeli mutelo. Alimwi mbungano nji sala beembeli bayo. Nse jisi cintu cakucita a ncico. Elyo nzila biyo oyu mweembeli mbwa konzya kusola kuzwa, inga kwaba kusala kwa mweembeli mwini kuunka, na mavooti manji aa mbungano aamba kuti, “Amucince

mweembeli.” Eyo nje nzila ilikke. Taakwe bbodi ya bamadaikona ikonzya kucicita. I bboodi ya bamadaikona nja kubamba biyo matobelanwa a zintu mu mbungano.

²⁷⁷ I basyomesi, taba jisi cakucita ancico, cita kubambulula mbungano. Alimwi taba konzyi kucicita kusikila kuli ii. . . I bboodi yonse ya basyomesyo ila swaangana a kwaamba kuti, “Ee, tuyo yaka *ceeci*, na tuyo cita *ceeco*.” Mpawo bayo buzya muyobozi wamali ikuti na bali jisi mali akucicita. Iiyi, munene.

²⁷⁸ Pele ikuti na kuli tongausilimwi kuli membala umwi, ikuti na membala ujisi tongausi kuli umwi, na cintucimwi cilubide, weelede kuunka ku mukwesu oyo, lwako; akwaambaula kuli nguwe, yebo a nguwe luzutu. Mpawo ikuti na taba kacitambuli, nkokuti cintu citobela cacitika, kotola umwi wa madaikona na muntuumwi, akunka anduwe ku mukwesu oyo. Mpawo ikuti na ta kamutambuli, nkokuti boola uka caambe ku mbungano. Mpawo ikuti na mbungano. . . Mpawo ikuti na taka tambuli mbungano, mpawo Bbaibbele lyakati, “Abalekwe babe mbuli bahedeni a basimitelo.” Mbo mbubo.

²⁷⁹ Alimwi kufumbwa bantu bamuzi muntu ula mulandu, nkabela taba mwiinkili kuli mbabo kuyo ambaula, kakuli muli cibeela ca mbungano ya Leza ciyoopa bwiinguzi ku cibi eco. Mbo mbubo.

²⁸⁰ Elyo ikuti na muntu uli onse mpawo ujisi ii—ii tongausi kuli daimona, na kuli daikona na muntuumwi mu mbungano, citola bantu botatwe. Bantu botatwe inga basika a kwaamba, bumboni, ku mulomo wa bakamboni bobilo na botatwe. Boola waabila mweembeli kuti kuli butongoosi kuli daikona. Mpawo ikuti na kuli butongoosi kuli daikona, daikona tali ii—ii muntu ululeme, ii—ii muntu ulondokede. We elede kujati mulimo wabu daikona, kakutakwe kampenda, elyo mpawo kutajanwa a kampenda. Ikuti na eyo mbunga ya jana kuti oyo daikona tajisi oyo mulimo, ula bweza botatwe anguwe a kukatola ku mweembeli. Oyo daikona ula lombwa kukkala ku ng’anda bonse busiku. Elyo mpawo mweembeli kuzwa. . . boola akulata mbunga antoomwe, wapa butongoosi. Elyo ikuti mbunga ya vootela daikona kuzumanan, daikona ula zumanana. Ikuti wa mbu- . . . vootele daikona kulesegwa, bayo sala daikona mupya mbubonya busiku obo. Mwabona?

²⁸¹ Nkikaako, taakwe muntu omwe ujisi cintu cakucita muli ceeci. Mbantu banji antomwe. Iiyi, munene. Ikuti na bali makumi obilo bamu vootela, nkabela bali makumi obilo aumwi bamu vootela kukaka, ula unka; na bumwi bumbi. Mwabona? Nko kuti, nkulyeendelezya kwa mbungano ya mubusena alimwi, mpawo umwi aumwi membala uli zumizigwa cakwaamba mu mbungano. Kufumbwa cintu cilazumanan, mpawo bala konzya kuciinca ncobeni, nkabela cintu cilikke nco beelede kucita

nkuba kumbele lya Leza kutegwa babona ncobeni kuti taakwe cintu cisinkila bweende bwa mbungano.

282 Pele bwami buzwide akumaninina bwa mbungano bwalo mweembeli. Amukabale eco mu Bbaibele, kubona kuti na ayo taali malailile a Bbaibbele. Obo mbombubo ncobeni. Takukwe umwi kwiinda mwaala. Nse jisi cakucita aceeco Mukwesu Neville ncacita okuno. Eco cili kuli ndinywe a Mukwesu Neville. Ikuti na Mukwesu Neville wakali kuyanda kukambauka njiisyo ya Bukamboni bwa Jehova, cili kuli nguwe a ndinywe. Mwabona? Ikuti na wakali kuyanda kukambauka cili conse nca kalikuyanda kucita, eco cili akati a ndinywe a nguwe. Kwa mana. Ikuti na mbunga yamu vootela kuba omuya, kukambauka eco, eco cili kabotu. Eco cili kuli nguwe.

283 I cintu biyo Nce cita, nkuba buyo mukamwini wa nyika. Alimwi ikuti na cintucimwi cimbi casika ambali, cili mbuli kugusya mweembeli, nkabela bayanda ku voota ali ceeco, inga tolomba daikona kucita ceeco. Inga wandi buzya. Inga ndaboola, akuti, “Ikuti na muyanda kugusya mweembeli, mundaambile kaambo. Sa wakacita cintu cimwi?”

284 “Iyi. Twa kamujata, kakoledwe. Na, twa kamujata kacita *ceeci*, na kacita cintucimwi catakali kabotu.”

285 “Sena muli jisi bakamboni botatwe kuli ncico?”

286 “Iyi. Tuli jisi.”

287 Balo bakamboni beelede kusolekwa lutaanzi. “Muta tambili kutamikizigwa ku mwaalu citakuti kakuli bakamboni bobilo na botatwe, nkabela aba solekwe lutaanzi; ku mwaalu.” Mpawo mweelede kukonkezya kuli nkuko, kuti mwa kacibona; a kucitondezya, kuti mwa kacibona.

288 Elyo mpawo, ikuti na wa kacicita, mpawo cibi eco cilatapatilwa antangalala, kuti, “Tacili kabotu.” Mpawo kwaamba kuti, “Ombunga, sena uyanda kucinca mweembeli wako?”

289 Elyo ikuti na mbunga ya voota kuti, “Aja tilwe, akumulekela kuzumnana,” eyo nje nzila mbo ceelede kwiima. Mwabona? Eco, tacili kabotu eco? Sa eyo taili nzila mbungano mbo yeenda? Eco nco lya kaamba Bbaibbele. Ta tujisi mabbishopo a balinguzi, a mabboodi azimwi, kunjizya *eci* cimwi mukati a kuba a bwami bunji. Takukwe muntu ujisi bwami okuno cita Muuya Uusalala. Mbo mbubo. Ngu bikka. Elyo tu Mu bweza mbuli bunji bwa bantu, nzila bantu njo batozya.

290 Elyo mpawo ikuti lubazu lumwi lwacita *ceeci*, a lubazu lumbi luyanda kucita *ceeco*, nkabela lubazu lwazunda. I lubazu lwazundwa, ino bacitanzi kujatikizya ncico? Kusangana moonya mukati abamwi babo, kwaamba, “Twali lubide, mpawo. Tula zumanana ncobeni, nkaambo Muuya Uusalala wasala ceeco.” Mwabona? Mbo mbubo ncobeni.

²⁹¹ Mbuli ba Demokrati aba Repabliki, kufumbwa kuti twaima mbuli ba demoktasi, mbuli bana America. Ikuti na ba Demokrati bali mukati, ba Repabliki beelede kuzumana nconzyo a mbabo; ba Repabliki mukati, ba Demokrati nkuzumanana. Mwabona? Eco ncencico ncobeni citubamba kuba cisi. Kufumbwa cindi twa ndaana, twa ndaanya demokrisi yesu. Mbo mbubo. Ba Demokrati bati, “Nse kaciti cintu; ba Repabliki banolimo.” Nkokuti twawa. Ndili muna Kentacky: atoomwe tula ima, nkabela twapambukana twawa.

²⁹² Lino, ikuti na kuli cilubide mu mbungano eco ncozyi lyonse, mugame umwi na muntu umwi na kufumbwa cintu, uli sinikizidwe alimwi uyopeda bwiinguzi kumbele lya Leza ikuti na tosalazyi cintu eco; yebo, ombungano. Lino, amuyeeye, tali ku makuko angu. Cili aali enu. Elyo kufumbwa cilubide mu mbungano, Leza uyo kubamba kucipeda bwiinguzi. Mbo mbubo. Eyo nje nzila Mbwa endeleya mbungano Yakwe. Eyo nje nzil amboibede mu Bbaibbele. Ayo nge malailile aa Bbaibbele. Oko nko lyeendeleya kwa mbungano ya mubusena. I mweembeli ngo mutwe. Mbo mbubo. Amen.

²⁹³ Lino, kuboola muli oyu Mulumbe, wakaindi wakalelekwa okuno. Nywebo, lino Ndi yanda kuti muziba obo. Oyo ula rekkodwa aa teepu, amuyeeye, oyu Mulumbe. Elyo marekodi aa mateepu a mbungano, malailile a milao ya mbungano, zili rekkodi ya teepu. Ezyo zili mbuli ku Bbaibbele. Ta tu yeendeleyi; taakwe muntu mukati uli mutwe. Peepe. Toonse, tuli kozyenye toonse. Pele, tuli jisi musololi, oyo mweembeli, kufumbwa kuti kasololelwa aa Muuya Uusalala. Mbwini. Yaa.

²⁹⁴ Lino, omuno, kuya kuba mibuzyo minji. Aboobo cindi citobela bayo ipa nkabela Mukwesu Neville uyoobikka aa redio kuti Ndi nooli kokuno, kolemba mubuzyo wako, kutegwa yebo andime taka konzya kuubuzanya. Muyo cita? Yaa.

²⁹⁵ Ndi lizi Nda kayiisya aa kubambwa kwa basalali. Nda kayiisya aa Buleza bupati bwa Jesu. Nda kayiisya aa bukwabilizi bwa musyomi, a kusalwakale, lukanzo, a zintu ezyo zinji. Ezyo, Ndi lizi, mu mbunga yanda kuli basitulaolao banji, eco cili kabotu ncobeni. Nconzyo. Pele, lino, zintu, Ndime situlaolao, ambebo alimwi Ndili mua Calvini. Amusyome buyo Bbaibbele. Kwa mana.

²⁹⁶ Lino, ikuti na eyo mibuzyo, imwi. Alimwi Nda kayiisya aa bumboni, kunyanyamukwa, azimwi zimbi, a zyonse zintu ezi nzota konzyi kuzuminana azyo. Aboobo umwi bwa masiku, atu kacibambe . . .

Sena muli bindide kujokela kokuno? [Mukwesu Neville waamba, “Peepe.”—Mul.]

Atu cibambe masiku Bwatatu, masiku aya aboola Bwatatu, mpawo Ndi—ndi yeeya kuti Nda—Nda konzya kuba ceeco mpawo. Kalete mubuzyo wako masiku Bwatatu, akuubikka

awa aa cibumbili, a mubuzyo ujatikizya Bbaibbele, yaa, wa ceco Nceli kuyiisya lino. Eyo Masiku Bwatatu. Elyo mpawo ku kutobela Munsondo, mpawo, Ndi yeeya kuti Nde—Nde elede kuyooba mu Chicago, nekuba. Elyo Ndi zwa kookuno kuya mu Michigan. I Mwami nawayanda, Njo oba okuno masiku Bwatatu, kusola kwiingula mibuzyo mbuli mbwe Ndi konzya kabotu. Elyo lino Mwami abe siluse.

Lino atu kotamike mitwe yesu, asyoonto buyo.

²⁹⁷ Lino, Mwami ulelekedwe, obu mbuvubi Bwako bupati. Ni mbungano Yako. Nji Yako, Mwami, ili mukwenda, alimwi tu yanda kweenda mbuli Muuya wa Leza mbo utweenzya. Elyo twa lombamba lino kuti Utu longezye. Elyo mbuli tulangalanga oyu Mulumbe alimwi, a kujila mu zintu zisakene, twa lombamba kuti Muuya Uusalala uka bayubunwide mbuli buyo ndiswe mbo tubulide. Nkambo twa cilombamba mu Zina Lyakwe. Ameni.

²⁹⁸ Lino, oh, Nda . . . Eli Bbuku lya Bahebrayo, Nda liyandisya mbuli limwi ya Mabbuku mapati.

²⁹⁹ Kwa kwiinda kaindi kaniini, ndiza Ndi—Ndi jisi . . . kuya kumasi alandukwa lwizi, ayo alo, ikuti na Leza wazumizya, Ndino cita cakufwambaana kapati. Nde elede kuya ku Africa kweendelana ku cilengaano. Ndi yeeya kuti Nse kazwidilili maningi mu miswaangano yangu kusikila Nka inke ku Africa kuyo zulizya eco cilengaano. Lino, mpawo, antela oko kuyooba mu ciindicimwi eci cabutololo ciboola.

³⁰⁰ Pele akati ka ciindi eco, Ndi yanda kuyo bweza lyomwe limbi bbuku kuzwa mu Bbuku lya Bahebrayo, eelyo ngu, chipati 11 ica Bahebrayo. Elyo kukkala kutandila mvwiki mu chipati eco ca 11, a kubweza bumwi aumwi bube obo na basyakacite, a kutondezya bube bwabo. Mwabona? “Ku lusyomo, Nowa,” mpawo kubweza buumi bwa Nowa. “ku lusyomo, Abrahamu,” mpawo kubweza buumi bwa Abrahamu. “Ku lusyomo, Abela,” mpawo kubweza buumi bwa Abela. Mwabona? Elyo kuselusya ceeco. Sa inga mwaciyanda eco? [Mbunga yaamba, “Ameni.”—Mul.] Oh, kuti caba, twa bweza mu Bbaibbele lyonse mpawo. Elyo mpawo kusola ceeco, ndiza, cimwi mukati, kwaamba, mvwiki na mazuba aamisaangano ali kkumi, muswaangano omwe buyo mpoonya buyo kwamana umbi, mulubukululusyo mbuli, ciindicimwi kutalindila mu mazuba akupumuna aa Krisimasi, na cintucimwi mbuli ceeco, na Mwami wayanda.

³⁰¹ Lino, mu chipati ca Bbuku lya Bahebrayo, twa kaswaana oyu Syakacite mupati. Nguni unga wandaambila Zina Lyakwe mbolya kabede? [Mbunga yaamba, “Melikisedeki.”—Mul.] Melikisedeki. Lino, Wa kalini oyu Melikisedeki? Wa kali mupaizi wa Leza Sijulu lya Majulu. Wa kali Mwaami wa Salemu, oyo wakali Mwaami wa Jerusalemu. Ta kajisi wisi umwi, na Ta kajisi nobaba banyina. Ta ka jisi ciindi Na kasola kuzyalwa, na

Ta kabi aciindi Naya kufwa. Lino, tu jana kuti weelede kuba Uutamani.

³⁰² Twa kajana kuti bbala *kwalyonse* lyaamba “mwaakwe wa ciindi.” Sena mu ciciyeeya eco? [Mbunga yaamba, “Ameni.”—Mul.] Ii mwaakwe wa ciindi, kwalo kwalyonse a kwalyonse. Elyo *kwalyonse* kulapedwa bumboni, ziindi zinji, mu Bbaibbele mbuli “ii—ii mwaakwe wa ciindi.”

³⁰³ Pele, Butamnai, nkabela kuli musyobo omwe biyo wa Buumi Butamani, mbo twa kajana. Sa mbo mbubo? Leza ngu jisi obo Buumi Butamani, alikke. Sa mbo mbubo? Musyobo omwe biyo wa Buumi Butamani. Takukwe bbala mbuli lya “cisubulo Citamani.” Nkambo, ikuti uyo yandika kusubulwa kwa Butamani, weelede kuba a Buumi Butamani kusubulwa Cabutamani. No kali kweelede kuba a Buta- . . . Alimwi ikuti na ujisi Buumi Butamani, tokonzyi kusubulwa, mwabona, ikuti ujisi Butamani. “Oyo uumvwa Majwi Aangu, akusyoma Oyo waka Ndi tuma, ujisi Buumi buteeli.” Sa mbo mbubo? Buumi Butamani, nkambo ula syoma. Ee, ikuti na ujisi Buumi Butamani, tokonzyi kusubulwa, nkaambo ujisi Buumi *Butamani*. Aboobo, mpawo, ikuti na uyo penga mu gehena kwalyonse a kwalyonse, weelede kuba a Buumi Butamani.

³⁰⁴ Pele, lino, Ndila syoma kuti Bbaibbele lila yiisya gehena ini iyaka. I Bbaibbele lila yiisya eco, kuti zibi a bubi ziyo subulwa, kwalyonse a kwalyonse. Obo tabuli Butamani, lino. Antela oko nkwa myaka ya mabbilioni ali kkumi. Antela nkwa myaka ili mabbilioni ali mwaanda, pele ziindizimwi kuyo yandika kuba a magolelo. Nkambo, zintuzyonse zyaka jisi matalikilo, zili jisi magolelo. Nzintu ezyo zitakwe matalikilo, nze zitakwe magolelo.

³⁰⁵ Mula ciyeya eco ciyyo lino? [Mbunga yaamba, “Ameni.”—Mul.] Obo mbo twa kajokela a kujana kuti zintuzyonse zya kajisi matalikilo zya kanyonganisigwa, mwabona, lunyongano kuzwa ku cintu cipati. Elyo, kumalekelo, cigolela kujokela mu Butamani. Elyo mpawo gehena yonse, kupenga konse, a konse kwiibaluka kuli obo, kuyo manina mu Butamani. Zintuzyonse zyakatalika, zilagola.

³⁰⁶ Elyo oyu Melikisedeki takali Jesu, nkambo Wa kali Leza. Elyo cintu cakabamba Jesu a Leza kwiindana, kuti Jesu wakali Cilao omo Leza mwaka kkalilamo. Mwabona? Lino, Melikisedeki. Jesu wakali jisi bawisi a banyina. Alimwi oyu Muntu taka jisi wisi na banyina. Jesu wakali jsi matalikilo aa buumi alimwi Wa kali jisi magolelo aa buumi. Oyu Muntu taka jsi wisi, taakwe banyina, taakwe matalikilo a mazuba na magolelo aa buumi. Wa Muntu omwe nguwenya. Wa kali, Melikisedeki a Jesu bakali Bomwe; pele Jesu wa kali mubili waansi, wakazyalwa a kubambwa muciyanza mbuli ca zibi. Mubili wa Leza Wini, mwana Wakwe Mwini, wakazyalwa a

kubambwa mu ciyanza mbuli ca zibi, kuti kagusya luboola kuzwa ku lufu, kubbadela muulo, a kutambula bana balombe abasimbi kuli Lwakwe. Mwa cimvwa na? Ako nkekaambo Wa kajisi—Wa kajisi matalikilo, Wa kali jisi magolelo.

³⁰⁷ Pele oyu mubili ulondokede, mu ciibalusyo, mbuli—mbuli cizibyo ca bubuke bwesu, Leza takalekela oyo mubili uusalala kubona kubola, nkaambo Wa kaulenga Lwakwe. Elyo wakauleta, kuubusya, akuubikka ku janza lyalulyo Lyakwe.

³⁰⁸ Elyo, sunu, Muuya Uusalala waka busya oyo mubili okuno mu Mbungano. Lilelekwe Zina Iya Mwami! Elyo kutondezya maleele a nguzu nzyoonya. Elyo buzubabumwi oyu Muuya Uusalala, uli mu Mbungano, uyo kwiila aku tanta, akuyo litambula lwawo mu ciimo eci ca mubili oyo uukkede ku janza lyalulyo Iya Bupati bwa Leza, kuyo tuko mbelezezya swebo tobasizibi. Elyo kwinda Okuya tula tantamunwa ku kubisya cakulondoka. Kutali kuti ta tubisiyi; pele kutantamuna kuzwa ku cibi, mu Busyu bwa Leza. Nkaambo, kuli cituuzyo cizwide Malowa ciimvwi akati ka ndime a Leza, akati ka ndinywe a Leza. Ako nke kaambo Nca kati, “Ii muntu wakazyalwa kwa Leza, taciti cibi, ta konzyi kubizya.” Nkambo, ikuti na waka zyalululwa, nguonya Muuya Uusalala wakapona muli oyo Mubili ulapona muli ndinywe. Elyo Ta ukonzyi kubisya; cituuzyo cili bikkidwe kumbele Lyakwe. Mpawo ikuti na wacicita acaali, citondezya kuti nciyumu kuli nduwe kuba mu Mubili oyo. Ameni. Ayo Makanimabotu. Alo Ngaayo we.

³⁰⁹ Nkikaako, nywebo mwabona, Ta kazyi Magwalo ali onse. Alo aswaanganya Magwalo antoomwe. Mwabona? “Inga tacikonzeke kuli baabo baka munikilwa kale.” Mpaawo mpo tuya kujana mibuzyo yangu. Nkambo, amwijane buyo, obo mbo tuyanda.

³¹⁰ Lino amubone. “Ta ciknzeke kuli baabo bakamunikilwa kale, kuti bawa kujokolweda beni alubo ku lweempo, kubona kuti babambula Mwana wa Leza cabupya, aku Mu bamba . . . aku Mu leta ku mause antangalala.” Tiiba kakonzya kucicita.

³¹¹ Mpawo amu zumanane kuya ku Bahebrayo 10, awo mpo Lya amba alya kuti, “Nkambo ikuti na twa bisya acaali twa mana kutambula luzibo lwa Bwini.” Ino ncinzi cibi? Kutasyoma.

³¹² Ikuti na wabona Muuya Uuslala acaali kaucita zintu nzo Wa kacita mpoonya awa kuseeni oku, a kubona kuti Kristo wakabuka kuzwa ku bafu, alimwi Ula pona mu Mbungano Yakwe akati ka bantu Bakwe, nkabela yebo mukuyanda kwako Wa futatila, nciyumu kuli nduwe kusola kuboola kuli Leza, nkaambo wasanka Muuya Uusalala.

³¹³ Jesu wa kaamba cintu nciconya, cindi Na kali kucita ayo maleele.

³¹⁴ Ba kati, “Baa, Ngu Beezebule. Walo musondi. Ngu dyabulosi.”

315 Jesu waka vuuluka, a kuti, “Njo mujatila kuli ceeco. Pele cindi Muuya Uusalala wakusika a kucicita, kwaamba bbala lya Kuu sampaula taku kajatilwi mu inyika eyi na inyika iiciza.” Nkaambo wakaita Muuya wa Leza wakali muli Nguwe kuti, “muuya uutasalali.”

316 Mpawo, ikuti na twa bisya acaali, ikuti na twa bisya, kuunduluzya acaali. Kutali kwamana kutambula Bwini, ku zyalululwa; inga tee twabisya mpowo. Ii sizibi takonzyi kucita citaja-. . . Ii Munakristo takonzyi kucita cibi citajatilwi. Ta konzyi kucicita. Mbaabo babyaabi bacita ceeco. Ngu sikulicengeezya, kutali musyomi.

317 Abo bama rabi ba Cijuda, oh, ba kayeeya kuti teeba kali basikululauka, nkabela bakali jisi ma D.D. ama Ph.D. abo. Ba kayeeya kuti bakali sumidwe konse, mu beeke, pele bakali basizibi bakaindide kubija. Oh, inga ba. . . Nota kakonzya kubikka janza aa—aa buumi bwabo. Ba kali balondo, balilemeka kabotu, a baluleme, nzila eyo. Pele bakali basikuunduluzya.

318 Elyo kobweza bbala cibi nkabela ujane nco lyaamba. Ii bbala *cibi* lyaamba “kutasyoma.” Kuli biyo nkamu zyobilo, nzya, musyomi a sikutasyoma. Nja, muntu wakalulamikwa na sizibi. Kwa mana. Ikuti na nduwe sikutasyoma, uli sizibi; takukwe makani mboli kabotu, kunji nko unka ku mbungano, na nokuba kuti uli mukambausi. Uculi sikutasyoma.

319 Abo ba Farisi bakali bakambausi, alimwi bakali basikutasyoma, elyo mu gehena sunu nkaambo ka ncico. Bakombi buyo mbuli mbo bakali kukonzya, abulemu busakene, pele tiiba ka Mu syoma. Elyo baka Mwiita kuti “dyabulosi,” a kukazya Ijwi Lyakwe. Elyo bamwi babo bakati, “Ikuti na nduwe, lino seluka kuzwa ku ciingano. Kocita maleele. Kotu tulekela twaabone.” Umwi waka Muuma aa mutwe, kubelesya kasamu, elyo wakati, “Sinsima nkabela utwaambile wa kuuma, o musinsimi, nkabela tula kusyoma.” Mwabona, basikutasyoma! Baka licengeezya mbuli kuti bakali basyomi, pele bakali basikutasyoma, bata kazyalululwa, andaanisigwa, nekubakuti bakali basalala ababulemu busakene.

320 Nekubaboobo, cintu nciconya ciliimvwi asunu. Baalumi a banakazi inga baunka ku cikombelo a kuba a basyulungene ku meso, a—a kuba babulemu busakene mbuli mbo bakonzya kucita, aku tabeja, kubba, akusola kupona bukombe bwabo ku bubotu mbuli mbo bakonzya. Pele, citakuti mbasyomii, bali sweekede. Aboobo kwiina kapapu ka basitulaolao mu Bbaibbele. Buna Calvini mbwa. . . Luzyalo nceeco Leza nca kamucitila, nkabela milimo njo mucitila Leza. Zili pambukene cakumaninina.

321 Ikuti na waleka kubeja, waleka kufweba, waleka kubba, waleka kucita mamambi, waleka zyoonse, wakacita zintuzyonse, wakabamba milao, a kuunka ku cikombelo, kabbizigwa

Munsondo monse, wakalya mulalilo, wakasanzya matende abasalali, wakacita zintuzyonse, wakaponya balwazi, alimwi wakacita zyonse ezi zintu zimbi, wata zyalululwa a Muuya wa Leza, wakasalwa, uli sweekede. “Tali oyo uyanda na oyo ubeleka, pele Leza utondezuya luse.”

³²² Esau wakasola ku bubotu bwakwe kuba Munakristo, nkabela taka bukonzya. I Bbaibbele lyakati wa kalila cabubi, kuyandaula busena bwa kweempwa, nkabela taka konzya kubujana. Katanninga kuzyalwa akwalo, Leza wakamupa mulandu, nkaambo Wa kalizi kuti Wa kali mumpelenge uboled mu moyo wakwe. Leza kwinda kukuzibakale wa kaciziba. Wa kati, “Nda yanda Jakobo, alimwi Nda musula Esau.” Elyo Esau wakali kuboneka kuba mulombwana mulome. Wa kakkala ku ng’anda, kamamela bawisi badaala moofu, wakasanina ng’ombe, a zintuzyonse, wakali mulombe uli kabotu.

³²³ Elyo Jakobo wakali mulombe wa banyina, sitwaano wakaindi muniini mbuli banakazi. Obo mbwa kabede. Mweelede ku cizumina. I Bbaibbele lila zumina, lila cileta. Kuzelengana, kucita zintuzyonse. Elyo—elyo banyina, kali muni a banyina kanji. Pele, nekubaboobo, Jakobo, a kuzwidilila akuwa kwakwe konse, a nzila zyakwe mbuli banakazi, wa kacili kubulemekwa obo bupati. Oyo ngo muzeezo mupati.

³²⁴ Esau wakali mulombwana mulome ziindi zybilo kwinda Jakobo. Ikuti na twa kamubeteka mazuba ano, kuba membala wa mbungano yesu, inga nimwa katola Esau, kwa cuulu kuli umwi, ikuti na tii mwaka muzyi. Pele Leza wakatola Jakobo.

³²⁵ Ino inga mwacita nzi a Musalali Paulo, ikuti na wa kali kuyanda kuba mukutausi? Ii Mujuda, muubauba wakaindi wampemo yakongomene, a mulomo wakwe kuukkede kumbali, kaya bukwankana buyo, anzila mbwa kali kuyo mwayaula Mbungano. Uya kucita zintuzyonse. Inga nomwa kayeeya kuti wakacita cibi citajatilwi. Pele Leza wakati, “Walo mulanda wangu.”

³²⁶ Leza ulabamba bantu akuba bamba bwandeene, kutali bantu kubweza Leza akuba baundene. Leza ula bweza muntu aku mubamba bwandeene. Tacili ceeco nco cita, eco ncoya kucita, eco nco yeeya. Nceeco Leza nca cita. Mpaawo we. Alimwi ako nke kaano.

³²⁷ Lino, oyu Melikisedeki mupati, ino nkaano ali Nguwe awa! u yanda kubala asyoonto, kubaanga buyo nku. . .twa kacita ku katobezya cakufwambana kapati. Tula talikila kusule awa a cibeela cimwi ca Lugwalo, alimwi tula talikila kutandila kampango ka 15.

*Elyo aya aci. . .mvwikika cakwinda: kuti kuli. . .
nkambo eco mbuli bube mbuli bwa Melikisedeki awo
kwabuka mupaizi umbi.*

³²⁸ Lino, Melikisedeki wakali Mupaizi. Mbwa Ka bede na? Mboobu Mbwa kabede. Twa kajana kuti Leza, ku matalikilo, wakali kasensa kapati ika Muuya. Sa eco cili luleme? [Mbunga yaamba, “Ameni.”—Mul.] Ta kajisi cizyalilo. Ta kajisi busena bwakufwida. Ta kajisi matalikilo aa mazuba. Ta kajisi magolelo aa myaka. Wa kali buyo Uutamani mbuli Butamani mbo Kutamani. Ta kazyalwa pe. Ta kafwa.

³²⁹ Elyo omuya, twa kajana kuti, Wa kajisi misyobo ili ciloba ya Muuya. Sa mbo mbubo? I Bbaibbele lyakati, mu Ciyubunuzyo, kuteeti, “I Myuuya ili ciloba kumbele lya Cuuno ca Leza cabwami.” Sa mbo mbubo? [Mbunga yaamba, “Ameni.”—Mul.] I Myuuya, ili ciloba, iindene ili ciloba. Twa kajana kuti, kuli mibala ili ciloba. Ngaayo makkala aambungano zili ciloba awo. Oh, cenda ncobeni. Ciloba kumanizya, alimwi Leza waka maninina. Elyo Myuuya ili ciloba, alimwi eyo Myuuya yakali londokede. I mutaanzi wakali mubala uusubila; luyandisyo lulondokede, lununuko. Elyo obo, ni twali jisi ciindi, cakupa eyo mubala a kutondezya umwi aumwi wa mibala eyo wiiminina kunjoloma kwa Leza. Ameni. Eyo mubala, kuli mibala ili ciloba yakalengwa. Eyo mibala iiminina kunjoloma kwa Leza. Elyo i. . . Eyo mibala iiminina makanze aa leza, kulanganya kwa Leza. Eyo mibala ili ciloba, yakali kwiiminina makkalo aambungano ali ciloba, nyenyeezi zili ciloba, baangelo bali ciloba. Monse mu Lugwalo, bakutausi bali ciloba, batumwa bali ciloba, milimbe ili ciloba, yonse mu ziloba. Mazuba ali ciloba. Mazuba ali cisambomwe, alimwi bwaciloba ni nsabata; kulondoka, kumaninina. Oh, cila botezya, ikuti ni twa jisi ciindi cakuvwntauzya muli ncico a ku citondezya, eyo mibala!

³³⁰ Bweza mubala uusubila. Twa bweza mubala mutaanzi, ula subula. Niinzi kusubila? Kusubila ncitondezyo cimwi ca ntenda. Kusubila ncitondezyo ca lununuko. Alimwi walanga mu kusubula kwindi mu kusubila, ino mubala nzi? Uutuba. Kuli luleme. Aboobo cindi Bulowa busubila nibwa katilwa, ku kuvumba zibi zisubila, Leza, kalanga kwiinda mu Bulowa busubila, kulanga zibi zisubila, zyakaba zituba. I musyomi takonzyi kubisya. Nee ncobeni. I Mbuto ya Leza, zilongezyo zya Leza, zila kkalilila ali nguwe. Leza takonzyi kubona cintu cita Bulowa bwa Mwana Wakwe Mwini. Takukwe makani eco cili mu Mbungano Yakwe, eco mbo cibede, Leza ta ciboni, nkaambo Jesu ula kombelezezya, cakuzumanana, Mupaizi Mupati. Taakwe nzila kuli nguwe ya kubisya, cindi Cituuzyo cili obo noci bikkilidwe nguwe alya, mbuli ceeco. Nee ncobeni.

³³¹ Elyo lino ikuti wati, “Ee, eco cindipa coolwe cibotu. . .” Mpawo eco citondezya kuti ulinyongene.

³³² Uya kucilumba Eco. Uya ku Ci yanda, ikuti na uli Munakristo wini, ku busena oko cibi nko citaka kupenzyi kusikila toka konzyi kucicita. “Nkambo Mbuto ya Leza ila kkalilila muli nguwe, nkabela ta konzyi kubisya.” I Bbaibbele

lyakati, “Nakasalazigwa lomwe ku Bulowa bwa Jesu, ta cijisi limbi kuyandisya kwa cibi.” Ikuti na ujisi kuyandisya, moyo wako tau luzi kuli Leza.

³³³ Lino, uya kulubizya, pele toka ciciti acaali. Mwabona? Wa—wa kacegwa, alimwi kufumbwa mo kacegwa, na kucita cintucimwi nco taka kanzila kucita, tacinaba cibi, uyo empwa kaindi wakubona kuti walubizya. Uya kunyona cakufwambaana a kuti, “Nse kanzide. . . nse cibona eco.” Uya kwaamba ceeco, monse mu buumi. Ii muntu tayandi kuba, nke kaambo tuli bafuba kapati a mu mudima kapati, ansi awa a nyika, kuti kuli mulungo wa Bulowa wesu, ciindi conse, kutuvumba lyoonse. Nkaambo, bulubizi butaanzi mbo twa kaswaana. . .

³³⁴ Lino, ngooyo muzeezo wanu wa tulaolao. “Oh, mulizi cintu na? Oyo mwanakazi waka salazigwa. Pele, aleleke Leza, waa kalubizya. Ndi lizi kuti wakawa.” Eco cililubide. Ta kawa pe. Waa kalubizya. Ikuti na waa kacicita acaali, nkokuti ta kaluleme, ku kotalika.

³³⁵ Ikuti na ta kakanza kucicita, elyo waa keenda kumbele lya Mbungano iisalala iya Leza akuli lekelela kuli ncico, a kwaamba kuti, “Nda kalubila, nkabela amundi jatile,” uli sinikizidwe kucicita. To ciciti mu moyo, mpawo wa keelede kuunka ku cipaililo lwako. Mbwini. Mboobo busalali bwini mu mbungano. Mboobo busalali bwakasimpe, busalali butali bwako, pele bwa Kristo.

³³⁶ Nse jisi busalali bwaku Mu tondezya. Pele Ndi syoma muli Bwakwe, oh, luzyalo Lwakwe, nkabela Ndili bujisi mu moyo wangu. Nse kabujana ku ceelelo, taakwe Nce kakonzya kucita kweelela kubujana, pele ku luzyalo Wa kandiita a kundi tamba kuboola. Elyo Nda kalanga kuli Nguwe, nkabela Wa kagusya kuyandisya kuzwa kuli ndime. Ndila lubizya kwa zyuulu mu mweezi aumwi, mu mwaka aumwi. Nincobeni, Nda cita. Pele cindi Nda bona kuti Nda lubila, Ndi laamba, “Leza, Nse kanzide kucicita, Ulu uzyi moyo wangu. Nse kanzide kucita ceeco. Nda cegwa buya muli ceeco. Nse kanzide kucicita. Kondi jatila, Mwami.”

³³⁷ Ikuti na Nda kalubizya mukwesu wangu, Ndi lati, “Mukwesu, kondi jatila. Nse kanzide kucita ceeco.” Masimpe, Leza uluuzi moyo wangu.

³³⁸ Oh, mpaawo we. Nceeco cituuzyo ca Bulowa. Nzeezyo nguzu zya Makanimabotu, eyo Mbungano iisalala kayeenda. Kutali kuti ncintucimwi nco kacita; ncintucimwi ncota kajisi cakucita ancico. Ngooyo Mulungo.

³³⁹ Lino, oyu Melikisedeki, cindi Na kayutuka.

³⁴⁰ Ndi yanda kumwaambila cintu cimbi. Sena mwakasola kubweza ii—ii gilazi lya makkona otatwe? Amu kabweze gilazi lya makkona otatwe, a kuli lazika kutegwa zuba lyauma ali ndilyo, liyo leta mibala ilondokede ili ciloba. Ii gilazi lya

makkona otatwe liyo tondezya fulicoongo. Mbo mbubo ncobeni. Lino, ni twali jisi ciindi, ni twa zumanana kunjila ceeco. Kotatwe kuleta bulondosi: Taata, Mwana, Muuya Uusalala; kululamikwa, kusalazigwa, lubbizyo lwa Muuya Uusalala. Mpaawo we. I bulondosi bulasika kwiinda kuli kotatwe. Leza, atala lya muntu; Leza, mu Muntu uutegwa Jesu; Leza, mu Mbungano. Mpawo, bulondosi.

³⁴¹ I muntu wakabisya, kufumbwa kuti Leza wakali atala *awa* mu Musumpululu wa Mulilo. Leza. . . Muntu wakabisya, mubwini, kumbele lya Leza, kufumbwa kuti Leza wakali mu Musumpululu wa Mulilo, nkaambo wa kacili cilenge citasalali, bulowa bwa munyama bwaka bikkidwe kumbele Lyakwe.

³⁴² Mpawo Kabelele ka Leza kakasika, ntaamo ini yabili iya Leza; Leza nguonya, mulimo umbi. Elyo mpawo oyu Leza mu. . . wakali muli Kristo, wakali Leza nguonya oyo wakali mu Musumpululu wa Mulilo. Alimwi Leza nguonya wakaba mu mubili wabantu nkabela wakakkala akati kesu. Elyo mpawo muntu waka Mu fubaazya, cakacili kupedwa kaambo. Tii kwakalinaba Bulowa bwakatilwa. Mbo mbubo. Jesu wakati, “Njo mujatila.”

³⁴³ Pele mpawo Oyo nguwenya wakaba mu mubili, wakaba mu Musumpululu wa Mulilo alubo. “Nda kazwa kwa Leza. Ndi inka kuli Leza.” Mpaawa tu jana Paulo ka Mu swaana, mu mugwagwa uuselemukila ku Damasiko, oyo nguwenya Musumpululu wa Mulilo. Tu jana Petro ka Mu swaana mu ntolongo, oyo nguwenya Musumpululu wa Mulilo. Masimpe. Alimwi tula Mu bona asunu, akati kesu, nguwenya Musumpululu wa Mulilo.

³⁴⁴ Pele bulondosi kwasika ku busena, oyo Muntu waakati. . . Lino, ikuti na kwacitika kuba Mujuda awa, na muntuumwi oyo uumvwisya Cizuminano Cakale. Ci tondezye, andi kutondezye. Nse jisi Cizuminano Cakale andime, ndyoonya lino. Eci calo—calo Neizuminano Cipyaa. Pele mu kutuula cinkwa camabonwabonwa caka bikkidwe aa mutiba wa kankwa keelede, mu cituuzyo ca Cijuda ku kusalazya kwa zikombelo; amubuzye Mujuda ulionse; atubeela oto totatwe twa cinkwa, kabeela kaakati kakakomonwa. Oyo wakali Kristo. I kabeela kaakati kakakomonwa; Kristo, akati. Katondezya kuti kwa keelede kukomonwa, kumwi, kwa lununuko. Elyo ako kabeela wakalikulanganisigwa ku lununuko, aa kankwa ka mulao.

³⁴⁵ Elyo Ngooyu mbwabede. Elyo sunumasiku, cindi twalya mulalilo, tula komona kankwa ka mulao, nkambo ngo mubili wa Kristo. Alimwi Wa kakomonwa aa Kalivari, kukuba Mulungo wa zibi zyesu, kuti kwinda mu bululami Bwakwe tu kabe bululami Bwakwe. Nkaambo, Wa kaba cibi cesu, kutegwa tube bululami Bwakwe. Mukwesu, olo nduzyalo lumaninide. Cakumaninina. Takukwe nzila, nzila iimwi imbi njo konzya kululamika.

346 Lino, oyu Melikisedeki, oyu Muntu mupati waka swaanwa mu mugwagwa, wa kapa, Abrahamu wakapa kwakkumi kuli Nguwe. Obo mbo kweelede kuti Muntu Wa kali mupati! Lino amubone, cakufwambaana.

Oyo wakabambwa, kutali mbuli mulawo wa . . . milao yakunyama, . . .

347 Lino sa mwaubona oyo mulao wa situlaolao? I mulao wakati, “Muta kajayi. Muta kaciti mamambe. Muta kabbi.”

348 Jesu waka vuuluka nconzyo, kati, “Kwa kaambwa kuli mbabo bakaindi kuti, ‘Muta kajayi,’ pele Nda amba kufumbwa oyo usola kunyemena munyina, kakutakwe kaambo, wa jaya kale. Kwa kaambwa kuli mbabo, bakaindi kuti ‘Muta ka citi mamambe,’ pele Nda mwaambila, kufumbwa muntu ulanga mwanakazi caku musukama, wacita kale mamambe mukati ka moyo wakwe a nguwe.” Mpaawo we. Eco ceelede kuyiisya banakazi nzila ya kusama, nzila yakucita eco ciluleme. Wa sama buteeleli, a kucitya baalumi ku kulanga munzila iitali kabotu, ujisi mulandu wakucita mamambe, mbuli buyo mbo kainda mu mucito. Jesu wakaamba obo.

349 Elyo nywebo nobantu bajisi olu lunyemo mbuli saha, abo lyoonse bafwasuka mu kanwa ku muntuumwi, bata konzyi kuumuna, a zintu mbuli ezyo. Amu cenjele. Mujisi mulandu ikuti na mwaamba bbala ku munyoko litali kabotu, lita luleme, kuunka konse a kuzapaula. To elede kuyasa cifulo kusule lya muntu kuti umujaye. Inga watyola ciimo acakwe a kumu jaya, kujaya koongelezya kwakwe. Kusampaula mweembeli wako, kwaamba cintucimwi cibi kujatikizya nguwe, ncimwi buyo kuti wa mudubula ntobolo. Kaambilwa cintucimwi cata kali kabotu kujatikizya nguwe, ee, ciyo jaya koongelezya kwakwe ku bantu a zintu mbuli ezyo, nkabela ujisi mulandu kuli ncico. Eco Jesu nca kaamba.

350 Lino, amuswiilile awa, eco—eco Paulo neakali kusola kusikila awa. Ndali yanda eli Bbaibbele lyakaindi. Lila kululamika. Langa, oh, langisya buyo awa. Lino, mbuli mbo tubala kku- . . . “Cili . . . nkambo kuli bwenekede kuti Mwami wesu wakasonsa kuzwa kuli Ju- . . .” Lindila, Ndi syoma kuti Ndi jisi kampango kambi awa Nkeli kuyanda kubala. Peepe, ansi awa kuli ka 16.

Oyo wakabambwa, kutali mbuli mulawo wa . . . milao ya kunyama, . . .

351 Eco ncamulao, nywebo mwabona. “Oh, mukwesu, Ta—Ta ndeelede. Ta ndeelede. Ndi lizyi, pele Ta . . .” Eco tacili ncico. Nduyandisyo lu cicita.

352 Obo mbo twakainda muli nkako! Nda kati, “Ikuti na Nda ambila wangu. . . kujatikizya mukaintu wangu, ‘Oh, ee, Ndi—Ndi—Ndi yanda kuba a bamakaintu bobilo. Ndi yanda kunoenda a *yooyu* umwi, kucita *yooyu* umwi awo. Pele, ikuti na Nda cita,

mukaintu wangu uyo ndileka, nkabela bana bangu bayooba mu . . . Mulimo wangu uyo sweeka.” Yebo sikuupaupa, watombe uuboledede. Mbo mbubo. To muyandi kabotu, mu kotalika. Mbo mbubo ncobeni.

³⁵³ Ikuti nokali kumuyanda, nikwaataba mulao ujatikizya nkuko. Noka muyanda, nekuba, aku kakatilana a nguwe. Mbo mbubo ncobeni. A nywebo nobanakazi muyo cita cintu nciconya ku bamaalumi banu. Mbo mbubo.

³⁵⁴ Ziindizimwi banakazi baba abusena na . . .

³⁵⁵ Mwaalumi wabona ka Jezebeli kaniini kalipentede konse, nywebo mulizi, nkabela—nkabela uyounka konse, ku kayanda; ndiza ujisi mukaintu uli kabotu. Elyo mpawo uliita lwako kuba Munakristo. Mause kuli nduwe. Yebo uyandika musela umbi waku cipaililo. Mbo mbubo.

³⁵⁶ Alimwi nywebo nobamwi—alimwi nobamwi banakazi balanga konse ku mulombwana umwi wakale mudaala muubauba ujisi masusu akwe aselemukila aansii cabulondo, ajisi Vasilini ukubwene ali ngawo ku . . . kula mulomo wakwe. Elyo mpawo wa . . .

³⁵⁷ Musimbi umwi wakaindi muubauba, kaindi kakainda eno . . . Oku takuli kudana, nkaambo ta Ndi kanzili ku kaamba mbuli kudana. Pele bantu balizi kuti obu tabuli busena bwa kudana. Pele musimbi wakaindi muubauba okuno, waa . . . Kwakali musankwa wakali mubotu okuno, basankwa Banakristo. Ciindi cilamfu cakainda, eelyo Ne kali kweembela okuno, twa kali kuba aa ma kkilasi abaalumi buyo bakubusyi. Elyo Nda kali kunga ndaambaula ku banakazi bakubusyi masika Munsondo, kujatikizya zintu zya nkwela. Mpawo Munsondo mutobela masikati, ku kanana kuli bamaalumi bakubusyi, akusola kululamika zintu ezyo.

³⁵⁸ Musimbi umwi wakaindi muubauba wakatali kwenda a muntu uukompeme muubauba wakaindi, kati ka dolopo pati okuno, wakali kufweba misanga yatombwe alimwi waka jisi fulasiki mu nkomwe yakwe. Elyo wakali kweenzya mootokala wa rodisa kuselemuka tauni. Nse kakonzya kubona eco nca kabona mu musankwa oyo. Ta kali kusika mu cikombelo. Wa kali kunga wakkala alya. Mubikka mu cikombelo okuya, elyo mpawo wa kali kunga wakkala anze, mu mootokala yakwe, a kulindila, taali kunjila mu cikombelo. Nda kati kuli nguwe buzuba bumwi. Waa kali kukkala mu New Albany. Nda kati, “Ndi yanda kukubuzya cintucimwi, omusimbi. Ncinzi mu inyika ncobona mu musankwa uulya?” Nda kati, “I kukotalika, ula busulaika mbubonya bukombi obo mbo—mbo jisi. Ula musampaula Kristo wako. Ta kakubedi mulumi mubotu. Uyo mbamba buumi bwako, boonse kupenga kusampauka.” Elyo Nda kati, “Ee, kuli basankwa Banakristo baniini babotu okuno mbo konzya kweenda abo. Elyo mbaabo bauso a banyoko

basampaula miyeeya yako ya kuunka kumasena, pele ula unka nekuba, alimwi kuyeeya kuti, ‘Ndili mweebesi wasikisitiini.’”

³⁵⁹ Waa katalika kulipenta a kweendauka konse, nkabela cintu citaanzi, waa kali mu mabbiyaholo. Waa kafwa lino kuya ku Butamani. Pele, mpawo waa kaimikila awa. Elyo sena mulizi ntamizyo oyo musimbi nja kandi vwiila okuya, njakuti waa kali kumuyanda musankwa oyo? Waa kati, “Walo ujisi matende maniini akwelelezya obo, alimwi ununkilila kabotu loko.” Sa inga mwayeeyela ceeco? Kulisansaila pemfyuumu, oyo ngu sibwanakazi, kutali mwaalumi.

³⁶⁰ “Langa,” Nda kati, “mucizi, Inga ndasala kweenda a musankwa Munakristo waka jisi matende mbuli myootokala ya mumigwagwa ya lubwe a kununka mbuli simba, ikuti na wa kali Munakristo nconzyo.” Mbo mbubo. Mbwini. Inzya.

³⁶¹ Ni ntamizyo, “Matende maniini akwelelezya obo, a kununkilila kabotu loko.” I sikweenda muniini wamu mabbiyaholo, kumalekelo waka nyonyoona buumi bwa musimbi. Alo mause, ndisampu.

³⁶² Lukwatano ndwabulemu, pele lweelede kunjilwa camupailo a cakubatama. Alimwi luyandisyo lwini ku mwanakazi oyo luya kwaanga antomwe kwalyonse. “Cintu nco mwaanga aa nyika, Njo kaanga ku Julu.” Cindi weenda kuselemuka kagwagwa kulale, inga wakomena akuba amvwi akusutana, pele olo luyandisyo ndulonya ndo kajisi kuli nguwe cindi na kali muniini, mwanakazi mubotu, ucino lujisi.

³⁶³ Inga wa diimana makuko, kuba alubala, a busyu busutene lukanda a zintuzyonse zimbi, pele uyo kuyanda mbuli buyo mbo kacita cindi nokaimikila a makuko akwazeme a masusus avungene, ikuti na ngu Leza ncobeni. Nkambo ulangila ku ciindi noya kulanduka mulonga kutala, cindi mwa kussyuuka lwabili, alubo kuba bamaalumi abanakazi bakubusyi, kuyo kkala antoomwe kwalyonse. Eco ncisyomezyo Citamani ica Leza. Wa kati Uyo cicita. Walo, kutali biyo obo, tula cinjila mu kaindi kaniini, Wa kakonkezya kuti Uyo cicita.

³⁶⁴ Amuswiilile kuli ceeci, mbuli mbo tuzumanana.

Oyo wakabambwa, . . . mbuli mulao wa . . . milao ya kunyama, pele mbuli nguzu zya buumi . . . butagoli.

³⁶⁵ Lino tula bala cakubinda, kutegwa tu cimvwisye.

Nkambo waka lungulula, Uli mupaizi kwalyonse mbuli ncililano ya Melikisedeki.

Kufumbwa kuti kuyo yandikana kuba mupaizi, Uya kuba Mupaizi.

Nkambo kuli ku mvwikika kwa kulesya milao kwiinka kumbele . . . i kulengauka bwa kubula mpindu kuli mbubo.

Nkambo mulao taakwe cintu ncowa kalondola, . . .

³⁶⁶ To konzyi, takukwe makani eco ncocita. Wa leka kunywa, leka kufweba, leka kubeja, kuya ku cikombelo a kusola kucita *ceeci* a kusola kucita *ceeco*, ucili sinyama. Oyo mulao buyo. I mulao taakwe cintu ncoulondola. Pele ncinzi cilondola? Kristo. Bulemu! Inga ndaleka kubeja, leka kubba, leka kucitamamambe, leka kunyeela, leka zyonse zintu, elyo Ndi cili sinyama. Leza ta citambuli, nkaambo Nse jisi cintu caku Mupa mu mulungo.

³⁶⁷ Pele kaindi Nda kubikka maanza angu aa mutwe ulelekedwe wa Mwami Jesu, a kuti, “Mwami, Nseli mubotu. Sa inga Wa ndibamba kuba mulanda Wako?” alimwi Leza wamyonta kugusya zibi zyangu, Nda imikila nkelondokede ku meso aa Leza. Mbo mbubo. Nkaambonzi? Ta ndiimvwi aa bweelelo bwangu pe. Ndi imvwi ali Bwakwe. Alimwi Wa ka tulondola, kwindi mu kupenga Kwakwe a Bulowa Bwakwe.

³⁶⁸ Nda bona kuti nciindi cakujala. Pele Ndi yanda kumanizya kubala *ceeci* ikuti na Nda konzya, cakufwambaana.

. . . kwiinka kumbele nkambo ka kulengauka kwakubula mpindu kuli mbulo.

Nkambo mulao taakwe cintu ncowa kalondola, pele kuleta mukati kwa bulangizi bubotu; (Ino Mbulangizi nzi bubotu? Kristo.) kuli boobo nko tu swena munsu kuli Leza.

³⁶⁹ Nkaambonzi? Kwindi mu bubotu bwesu bonse, a bubotu bwesu bonse, a bubotu bwesu bonse, tu cili basinyama. Pele lomwe mu Busyu bwa Leza, kuziba kuti tii twaali kukonzya kwimikila okuya, citabiyo kwiinda ku zyelelo zya Jesu Kristo, mpawo tu swena munsu kuli Leza, kwiinda mu zyelelo zya Mwana Wakwe. “Mwami, Nda boola kuli Nduwe, a moyo utakwe kambo. Mu Zina Iya Mwana Wako Jesu, akaka nditambule.” Oh, mukwesu, uli mukuboola ku nzila iipona mpawo.

³⁷⁰ Kutali, “Mwami, Uli zyi kuti Nda kaleka kunywa. Uli zyi kuti Ndi mubamba kabotu mukaintu wangu. Uli zyi Ndila cita *eci*. Ndila cita *eco*.” To jisi cakupa.

³⁷¹ “Nkambo mulawo wa milao ya kunyama tii wakakonzya kucita cintu, pele kuleta mukati kwa bulangizi bumbi. Obo bulangizi ngu Kristo, tuli jisi mbuli inkasi ya buntu, itonkomene a yakasimpe.” Amulangilile.

Elyo kuciimo mbuli kutakwe cikonke wa . . .

Bbala lyamugame, ikuti na mwabonesya omu, kuli mutubala twa italiki.

. . . wa kabambwa kuba mupaizi:

Kutali biyo mupaizi, pele Wa kabambwa kuba Mupaizi kwindi ku cikonke. Kutali . . .

372 Lino amulangilile. Atu jane boonse bupaizi.

(Nkambo abo bapaizi, ba Levi, buyo, baalumi, baluleme basyomeka, abo bapaizi bakabambwa kakutakwe cikonke; . . .)

373 Leza wakaamba buyo, “Mbuli ncililano ya—mbuli ncililano ya Aroni, eyo Nja kabamba aba bapaizi.” Ba kaselemuka kwinda mu mazyalani. Bala unka ku cikolo kuyo iya kuba bakambausi a bumwi bumbi. Ba kaselemuka. Aboobo Leza wakababamba kuba bapaizi mbuli obo. Ba libamba bapaizi beni, ku lwiiyo lwabo, ku kukona kwabo, abumwi bumbi. “Pele oyu Muntu wakabambwa kuba Mupaizi ku cikonke eco Leza ncakabweza.” Amuwiilile kabotu lino.

(. . . bambwa kakutakwe cikonke; pele eci ku cikonke kwinda kuli nguwe wakati kuli nguwe, I Mwami wakakonkezya nkabela taka sanduki, ameni, Yebo uli mupaizi kwa lyonse mbuli ncililano ya Melikisedeki:)

Kuli boobo Jesu wakabambwa ncobeni kuba wa wa cizuminano cibotu.

Lino, cakufwambaana.

Elyo nincobeni kwakali bapaizi banji, nkaambo teebe kalekelwa kuzumanana ku kaambo ka lufu:

Zyuulu taimuzi zyuulu taimuzi zyuulu, zya bapaizi, nkaambo teebe kajisi cintu cita buyo lufu a lufu a bukompami, a lufu a lufu a lufu.

374 Pele amu Mulange.

Pele oyu muntu, (Muntu nzi?) Jesu, nkaambo walo cakuzumanana ulayaambebe lyonse, ujisi bupaizi buta cinci. Oko kuli . . .

Mpawo ula konzuya awalo kubavuna ku kule; taakwe makani mbo kuli kulamfu, mbo kuziimene, mbo kuli kulaale, Ula konzuya kuvuna abali kule; abo basika kuli Leza kwinda kuli nguwe, . . .

Kutali antomwe . . . aa bululami bwako; pele aa kulyaambilila kwako. Mwabona?

. . . abo basika kuli Leza kwinda kuli nguwe, mukubona kuti ulapona lyonse ku kukombelezeyya mbabo.

Uli mpoonya alya, cakuzumanana, kabamba kukombelezeyya.

Kuzwa mu mupaizi mupati boobo twa kaba ndiswe, abo basalala, batakwe bubi, batasofweede, kaandanisigwa kuzwa kuli basizibi, akubambwa kuba mupaizi mupati ku julu;

375 Nceeco we. Lino, ikuti na Nda sola kwiiminina kaambo kangu keni, Njo kasweekelwa. Ikuti na Nda sola kwiiminina,

kwamba, “Ee, taata wakali muntu mubotu. Taata wakali mukambausi. Ee, Nda kaponu mu mbungano.” Ndi ciku sweekeledwe. Pele oyu Muntu Nguumwi uulondokede, Kristo. Uli kkede alya a kutuula Bulowa Bwakwe cakuzumanana nkambo ka zibi zyangu. Mpaawo we.

Oyo uta yandiki abuzuba, mbuli abo . . . bapaizi, ku kutuula zituuzyo, lutaanzi zya zibi zyakwe, elyo mpawo zya bantu: nkambo eci wa kacicita lomwe, cindi na kali tuula mwini.

376 Lino amulangilile kampangi ka mamanino.

Nkambo mulawo waka bamba bantu kuba bapaizi bapati abo bajisi kulengauka; . . .

377 Mbo mbubo mulawo, mulawo wakunyama, mboucita. Lino, Ndi lombozya kuti Ne konzya kuba a maora atandila kuli obilo mpoonya awa. Obo mbo mbubo mulawo mbo ucibamba bantu kuba bakambausi. Mbo mbubo.

378 Baa, ba lati, “Ee, oyu muntu ujisi luzibo lwaku seminari.” Inga nse cincanya luzibo lwangu Lwakujulu lwakaindi luniini ku maseminari onse ali mu inyika.

379 “Baa, twa kamuyiisya oyu muntu. Wa—wa kasalwa aamuntu. Walo muntu wakalibamba.” Ta ndiyandi musyobo oyo. Ndi yanda muntu wakacitwa aa Leza. Mwabona? Mwabona?

380 Pele mulawo ucibamba bapaizi. I mulawo ucibamba bakambausi. I—i mbungano ya Baptisti, bala vozya bakambausi; maanza azwide mbabo, bajisi muncini uubakonkola. Iba Methodisti bali bajisi. Iba Baptisti bali bajisi. Iba Presbyteria, Nazareni, Piligrimu Holinessi, ba Pentekoste, bala bakonkola cakufwambaana mbuli mbo bakonzya, mbuli mfulumende, muncini mupati. Kwiimikila alya mbuli ii . . .

381 Nda kaamba lyoonse, “Nda—Nda kafwida soni ncobeni ku nkuku ya malooni.” Nywebo mulizi, nkuku yakaindi niini yaka konkolwa kungsi lya muncina ukumba, tai konkolwi kabotu pe. Peepe. I nkukunseke yeelede kukonkola nkuku. Pele nkuku ya malooni, cindi yazwa, ila “lila, lila, lila,” nkabela tai jisi banyina ba kuunkila. Mwabona? Tai bazi banyina pe. Mbo mbubo. I lilila imbi, pele tai jisi noiba yomwe.

382 Pele kakuku kaniini kakakonkolwa kungsi lya nkukunseke, munzila yabulenge, kala lila nkabela banyina bala vwiila. Mbo mbubo.

383 Alimwi ziindizimwi Ndi yeeya kujatikizya olu luzibo lwaku seminari okuno lwa kuzwa kungsi lya mincina eyi ikumba mu Louisville a koonse ku inyika, kaikonkola bakambausi ku zyuulu. Zikumbilo zya Pentekoste, zikumbilo zya Presbyteria, a—a zikombyo zya Baptisti, zyonse zikonkola twana twazyo—twazyo—twazyo tuniini. Tula, “lila, lila, lila,” a kwaambaula makani a cikumbilo mo twa kakonkwedwa.

384 Pele Ndila botelwa kuba a Taata, Baama. Lilelekwé Zina lya Mwami! Tabali banji loko bakazyalwa a ndime, pele bakaliko okuya bakali bakwesu. Amení. Tuli jisi Baama baingula cindi wa... Baama Abo bali ku Julu, Abo Batubamba toonse swebo. “Mbuli nkukunseke mboi fukatila bana bayo, akuba kweelelezya, a—a kuba kweelelezya...ila fukatila tukuku twayo, mbubonya Njo mu fukatila. Oh, Jerusalemu, Jerusalemu, nkunji buti Nkwe kakubweza mbuli nkukunseke mboi citila bana bayo! Nkunji buti Nkwe ka kubamba kuba Wangu, pele toka yanda. Wa kali jisi maseminari ako, waka konkola bapaizi bako. Ba kayiisya kulwana Ndime. Lino wasiigwa olikke. Lunyonyooko lwako lulede kumbele lyako.”

385 Lino Nda amba ceeci. Oh, nobantu! Oh, nobantu, nkunji buti Muuya Uusalala nkowa kamufukatila, mbuli nkukunseke mboi citila bana bayo! Pele muyanda nzila yanu nobeni. Muya kuba anzila yanu nobeni kujatikizya Nguwo.

386 Bumwi bwa masiku aya ndi yanda kuyo kambauka ali, “Nzila yanu nobeni.” Nywebo mulizi, Kaini wakali kuyanda nzila yakwe mwini. Muntu uyanda nzila yakwe mwini, asunu. “Pele kuli nzila iboneka kabotu, pele magolelo ayo ndufu.”

387 Lino amulangilile. “Muli ceco Wa kati, ‘Ii cipya—ii cipangano cipya...’” Ndila syoma, lino kuti... Peepe. Ndali abusena bulubide.

388 Kampango ka 28.

Nkambo mulao ubamba bantu kuba bapaizi bapati abo bajisi kulengauka; pele ijwi lya cikonke, lyakaliko kuciindi ca mulawo, kubamba Mwana, oyo walo uzumanana lyoonse.

389 Leza alelekwé kwalyonse, wa Mwana oyo uzumanana kwalyonse mbuli ncililano ya Melikisedeki. Alimwi Wa kajisi matalikilo. Ta jisi magolelo. Elyo mulawo tii wakakonzya kuleta cintu mbuli ceeco, nkambo cakali cakunyama. I mbungano taikonzyi kuleta cintu mbuli ceeco, tubungwe, nkambo ntwa kunyama. I—i maseminari takonzyi kuleta cili conse mbuli ceeco. Ba kasoleka kuyiisya inyika kuli Njiyo. Ba kasola kwiibunganya kuli Nguwo. Ba kasola nzila yonse mu inyika, kubamba cintu acimwi ncoba kakonzya, a kusiya cintu cipati: “We elede kuzyalwa muli Njiyo.” Leza ukubamab mbo bedé, masimpe, kutali kukaambo kakuleka kucita *ceeci*.

390 Lino, ba Nazareni, nomu teeledé kusama nwenwe, tamu konzyi kusama wacci, nkabela mweeledé kucita zintu *zimwi-zimwi*, maboko anu eeledé kulampa *boobu*, maanza amashati, misinsi yanu yeeledé kulampa *boobu*, alimwi i—alimwi baalumi taba konzyi kuzulilwa ku cisangabalilo. Elyo taba kakubbizyi ikuti na to citi. Yaa. Mpaawa kwasika Katolika mukati, nkabela bali jisi zyabo. Elyo mpaawa kwasika ba Methodisti mukati,

bali jisi zyabo. Imwi aimwi yabo ili jisi cipimyo cakweeleka kuli ncico. Ikuti na to kkwansiyi, yaa, kwa mana. Mwabona?

³⁹¹ Elyo mpawo, pele cintu cini nce, nce ci, “Taakwe mu maboko angu Nce leta! Citabuyo kuti Nda jatilila ku ciingano Cako. OLeza, sicinswe, wakayaswa, uyandikana lugwasyo. Oh, Nda tandila kuboola cabubombe, Kristo, nke lyambilila kuti ta Ndili cintu alimwi taakwe cintu muli ndime. Kondi tambula, O Leza.” Mpawo Leza waku tambula.

³⁹² Lino, kwayanda tozyi naaba ma ABC ako. Kwayanda tozyi kkofi kuzwa ku bunyangu bwa katugwa. Kwayanda uli zyi, kuta ziba gii kuzwa hawu, janza lyalulyo kuli lya lumwensi. Ta kubambi lwaandano lumwi kuli ceeco *ncota* zyi. Kuli cintu comwe biyo *ncoelede* kuziba, ncakuti, Jesu Kristo waka bweza busena bwako mbuli sizibi. Elyo kobweza busena bwako, kuti wiimikile mu bululami Bwakwe, kulyaambilila abuzuba kuti uli lubide, aku Mu yanda amoyo wako oonse, a bukanze bwako boonse kabutozya kuli Nguwe, uyo konzya kuyaku Julu. Nku konse kuliko kuli ncico, nkambo Buumi bwakali muli Kristo bweelede kuba muli nduwe, nape uli sweekede.

³⁹³ Kakutanaba buyo kujala, sena mula ciyeeya cipangano cata kajisi zyelele eco Leza nca katangana a Abrahamu? Ino Wa kacita nzi mangolezya ayo cindi Leza nakati, “Andi bone. . .” Cindi Abrahamu nakati, “Andi bone nzila Mboya kucicita.” Chipati ca 16, Ndi yeeya kuti cili obo, ca Matalikilo. “Andi bone Mboya kucicita.”

³⁹⁴ Kati, “Boola okuno, Abrahamu.” Elyo Wa kagusya Abrahamu, kati, “Koya ka Ndi janine ii—ii mugutu wambelele, elyo koya ka Ndi janine ii—ii—ii mpongo, alimwi koya ka Ndi janine impwizi. Elyo Ndi yanda kuti uzotole atala awa akucita cituuzyo.”

³⁹⁵ Elyo Abrahamu wakaunka kuyo jana mbelele, alimwi i—alimwi mpongo, alimwi i—i—i kabelele, na, impwizi. Elyo wa kazijaya. Zya kali zituuzyo zisalala zyonse. Elyo wakazipandula zisela mu bubili, a ku zibikka. Mpawo wa kaunka a kubweza nziba zyabilo, aku zivundamika mukati. Mpawo Abrahamu wakali kutanda bayuni kuzwa kuli nzizyo, kalindila Leza kuboola. “Lino, Mwami, nceeco cituuzyo, ino Uyo cicita buti eci? Ta ndizi Mbo yakulesya muntu kuzwa kukuyanda kwakwe mwini. Ta ndizi Mboya kucita ceeci. Mbobuti Mbo konzya kucicita, Mwami?”

³⁹⁶ I Mwami wakati, “Lino langa, Abrahamu. Uli musinsimi. Uli simuuya, alimwi uya kumvwisya eco Nce kanana.”

³⁹⁷ “Yaa, Mwami, Ndi yanda kubona.” Lino Ndi bamba buyo mu kasobano.

³⁹⁸ “Aboobo, Abrahamu, koboola awa lino, akukkala awa a kuno tanda bayuni.” Aboobo wa kamwaya boonse bayuni, kusikila zuba lyakatalika kubbila.

399 Elyo cintu citaanzi mulizi, Leza wakaseluka ansi. Cindi Na kaseluka ansi, Abrahamu wakatalika kufukula. Leza wakati, “Abrahamu, Ndila kubamba kuti oone.”

400 Lino swiilila, mweenzuma situlaolao. Wabona, Leza wakagusya Abrahamu ku ciimo cakumaninina, taakwe nca keelede kucita muli ncico. Eyo nje nzila Mbwa ka kujata. Wa kati, “Oh, Nda kayandaula Leza.” To kacita.

401 Leza wakakuyandaula, “Taakwe muntu unga waboola kuli Ndime citakuti Taata Wangu wamukwela lutaanzi.” Mwabona?

402 Ngu Leza ukuyandaula, kutali nduwe kuyandaula Leza. To kasola kucicita. Bupange bwako bwakali nyongene. Uli ngulube. To zyi lwandaano noluceya. Yebo ukkala buyo mu caanda cangulube. Oko nkozyi konse. Ula ciyanda. Kunywa makoko, kuzwa mate konse, kweenda aa muka muntu simukobo, akucita zintuzyonse nzo konzya kucita zibi, ziboneka buyo kabotu. “Oh, mukwesu, tu jisi ciindi cibotu!” Uyeeya kuti ncibotu.

403 Pele Leza ula konkomona aa moyo wako. [Mukwesu Branham wakonkomona aa cikambaukilo—Mul.] Eco nwe cicinca. Kutali nduwe uukonkomweda Leza; Leza kaku konkomweda. Adamu taka konkomona ku moyo wa Leza; Leza nguwa kakonkomona ku moyo wa Adamu. Elyo uli mwana wa Adamu. Yaa. Katana konzya Adamu kuba mwana wa Leza, alubo, Leza wakacita kukonkomona ku moyo wakwe. Kotana konzya kuba mwana wa Leza, Leza weelede kukonkomona ku moyo wako.

404 Mpawo, Abrahamu wa koono. Elyo cindi na koono, ncintu nzi citanzi nca kabona? Mudima mubyaabi, ncobeni, uyoosya, wacimpuku. Olo ndufu, luboola atala a mukowa wonse wabantu. Mpawo wa kalanga aniini kulaale kwinda obo, nkabela wa kabona ceengelo cisuka busi. Kotana konzya kuba a busi, weelede kuba a mulilo. Ako nke kaambo Nce syomena muli gehena mbuli busena buyaka. Yaa.

405 Wa katondezya, umwi aumwi wesu uleelede kufwa, alimwi umwi aumwi wesu uleelede kuya ku gehena nkaambo tuli basizibi.

406 Lino, pele, kwindilila ceeco, wa kabona Mumuni muniini uutuba.

407 Elyo oyu Mumuni, muniini uutuba, niinzi Mumuni? Ino wakalinzi oyo Mumuni uutuba? Oyo Musumpululu wa Mulilo waka sololela bana ba Israyeli. I Musumpululu wa Mulilo waka swaana Paulo mu mugwagwa kuselemukila ku Damasiko. I Musumpululu wa Mulilo wakagusya Petro kuzwa mu ntolongo. I Musumpululu wa Mulilo uli waano sunumasiku.

408 Oyo Leza, Utamani auteeli, WaloMwini wakeenda akati ka zituuzyo ezi zyaka pandulwa, (oh, ma) konse akonse ali cimwi acimwi. “Eyi nje nzila mbo Ndiya kucicita, Abrahamu. Ko Ndi

langa, eco Nceya kukucita. Ndi panga cipangano awa. Alimwi Njo bweza cikonke, cakuti, kweendelana ku Lunyungu, Njo busya Sikukombelezeyya. Njo bamba cipangano a lufu. Elyo Njo beteka lufu, mu mubili, nkaambo Mebo Lwangu njo citola. Abrahamu,” wakati, “kwiinda mu Lunyungu lwako, Abrahamu, kuyo boola, kuyooba taata wa inyika, kwiinda mu Lunyungu lwako. Elyo kutali biyo yebo, Njo bamba eci cisyomezyo a nduwe, pele Lunyungu lwako kutobela nduwe.” Wa kalizi umwi aumwi wakali kuyooba. “Kutali *balo*; pele eco Nce cita. Njo cicitu, Abrahamu. Nda kamusyoma Adamu, nkabela wakatyola cakwe. Alimwi umwi aumwi wakatyola cakwe. Pele Njo bamba eci kuli Lwangu, akukonkezya kuli Lwangu, ‘Njo Ci zulizya.’” Ameni. Ameni. Ameni.

409 Ino tu cite nzi, tu pange cipangano? Nda amba, “Mukwesu Neville. . .” Lino amulangilile eci, aniini buyo. Nda amba, “Mukwesu Neville, kwaambila nce Ndiyo cita. Ikuti na uyo kambauka kusikila. . .juunza masiku, alimwi busiku butobela, kuyabuya mane Bwatatu, Njo kambauka, kuzwa Bwatatu, kuyabuya mane Munsondo.” [Kabeela katakwecintu aa teepu—Mul.] “Sa uyo panga cizuminano?”

410 “Iiyi, munene.”

411 Njeeyi nzila mbo tucicita. “Sukana, mulombe.” [Mukwesu Branham a Mukwesu Neville basukana maanza—Mul.] Nce ncico. Eco nce cipangano mu America. Eyo nje nzila mbo tubamba cipangano.

412 Lino, ino babamba buti cipangano mu Japan? Tula panga, kwamba, “Ko cita *boobu-a-boobu*, nkabela Njo cita *boobu-a-boobu*.” Tu bweza munyo musyoonto, nkaambo munyo ula nona. Elyo tu bweza muntu, nkabela Nda uwaala aa Mukwesu Neville, elyo Mukwesu Neville wabweza munyo—munyo a kuwaala ali ndime. Eco ncipangano caangidwe.

413 Mbobuti David Livingstone mbwa kabamba cipangano a bantu basiya bana Africa, ku kunjila mu nyika yabo? Wa kauunka a kujana mwaami, kutegwa kakonzya kwiinda okuta, kukambauka Makanimabotu a kucita mulimo. Elyo bakabweza nkomeki ya gilazi yakajisi waini. Nceeci cipangano a bantu basiya mu Africa. Ba kajisi nkomeki yagilazi yakajisi waini. Elyo mwaami muntu uusiya waka donkola nsinga yakwe ya bulowa, akuswekela mu nkomeki eyi yagilazi yakajisi waini. Awalo David Livingstone wakadonkola nsinga yakwe ya bulowa, a kuswekela mu mu nkomeki yagilazi yakajisi waini. Ba kaukopa. Livingstone wakanywa cisela canguwo, a mwaami muntuusiya wakanywa cisela cawo. Mpawo bakapa zipo, umwi aumwi. I mwaami muntu uusiya, David Livingstone wakati, “Ino uyanda nzi kuli ndime?”

414 Wa kati, “Eelyo bbaki lituba ndyo samide.” Aboobo Livingstone waka samununa bbaki lyakwe akulipa ku mwaami muntu uusiya. Wa kati, “Ncinzi nco yanda?”

415 Wa kati, “Eelyo sumo lisetekene ndo jisi mu janza lyako.” Nkaambo, wa kalizi kuti wa kali kukonzya kunjila a leelyo, aboobo wa kabweza sumo eelyo. Elyo bakaba babunyina, nkaambo baka bamba cipangano.

416 Alimwi mbwa kaunkila, nkabela mikowa yaka zuza kumujaya, wa kasumpula eelyo sumo lisetekene. Elyo cindi na kacita, ba kallanga a nkabela ba kati, “Oh, oh, ta tukonzyi kuguma muntu oyo.” Nkaambonzi? “Walo mukwesu wa cipangano, nekubakuti mukuwa, ta tuna mubwene kale.” Ba kalizi kuti bakali bantu basiya kusikila baka mubona. Tii bakali bwene oyo kale. “Pele walo mukwesu wa cipangano. Walo ujisi sumo lya mwaami mu janza lyakwe.”

417 Ino cifwanikiso cibotu, sunu, ca kunywa cipangano ca Bulowa bwa Mwami Jesu, a nguzu lya Muuya Uusalala ali ndiswe! Tuya kunembo mu Zina lya Jesu, nkabela ezi zitondezyo ziyo batobela nko zizulwa. Ndi Sumo lisetekene lya Mwaami. Mwabona mbo cibede, cipangano?

418 Mbobuti mbo bakacicita kaindi kumasena aakujwe? Ba kabamba cikonke, kuli umwi aumwi. Ba kajaya munyama, kamu pandula, akwiimikila mpoonya akati. I—i bantu bobilo bakaimikila akati ka nguwo, munyama wakapandulwa. Elyo ba kacita cipangano. “Ikuti na Ndi kaalilwe kubamba *ceeci*, ikuti na Ndi kaalilwe kucita *ceeci*, baa, *ceeci* a *boobu-a-boobu*, ukalekele mubili wangu kuba mbuli oyu munyama uufwide. Uka lekele mubili wangu kuba mbuli oyu munyama uufwide.” Elyo cindi bacita boobo, ba bweza eci cipangano a kwiimikila akati ka *ceeci*; kubamba cikonke, kubweza cikonke kuyi bayo cicita. Elyo ba zapula pepa, antomwe, kwandaanya, a kulipa ku muntu umwi, limwi limbi kuli utobela. Ku ciindi cimwi ba kaswaangana. A kubalekela kufwa, ikut na baakakilwa kubamab cikonke eco; a kuba mbuli banyama abo bafwide. Yaa.

419 Sena mwabona banyama botatwe? I kulondoka; kabelele, mpongo, nkabela zituuzyo zyoatwe zilondokede. Kakalinzi kabelele. . . Ino zyakali nzi inziba? Alimwi inziba zyoobilo zyakali kwaamba nzi? Inziba zyoobilo zyakali cituuzyo ca lufutuko a kaponsegwa, mu i—mu i. . . zya kaunka muli ncico. Mwabona? I milungo yaka bambwa bwandeene, pele kuponya kwaka zumanana mbubonya, nkabela mbubonya a lufutuko lwaka zumanana mbubonya. Inziba zyoobilo, tii zyakaandulwa, cakaamba kuti zyakali kwiiminina, zyoobilo. Lufutuko. . . “Ku mibunda Yakwe twa kaponsegwa. Wa kayaswa nkambo ka nsotoko zyesu. A mibunda Yakwe twa kaponsegwa.” Zya kabikkwa a mbali, kutali kupambulwa. Pele cipangano, cibeela ca munyama ca (zili zyotatwe) katendwa mu zibeela. Nywebo

mwabona? Mpawo cindi niba kacita ceeco, baka zapula a kubamba cipangano cabo.

420 Amulangilile eco Leza ncakali kwaambila Abrahamu. “Ku Kalivari, ku Kalivari, kweendelana ku Lunyungu lwako. Kuzwa muli nduwe kwakasika Izaka. Kuzwa muli Izaka kwakasika *niini-a-niini*, Jakobo. Kuzwa muli Jakobo kwakasika Josefa. Kuzwa muli Josefa, kuyabuya ansi, kuyabuya ansi, kuyabuya ansi, basikubweza masena, mane, kumalekelo, kwiinda muli olo Lunyungu lwa bululami!” Lwakwe. . .

421 Wa zwaa kumanizya buyo, awa kwaamba kuti Mwami wesu wakazwa ku cisi eco cata kamuzyi. Musa akwalo taka caaamba, wakazwa ku bupaizi. “Mwami wesu wakazwa ku musyobo wa Juda.” Kutali kuzwa kuli wa Levi, nkambo bakali basitulaolao bakunyama. Pele Mwami wesu wakazwa muli Juda. Bulemu! Mpaawo we. Awo cisyomezyo mpo cakabambilwa!

422 Amuswiilile kabotu lino, mbuli mbo tujala. Elyo ku Kalivari, Leza wakaseluka akubweza mubili wa Mwana Wakwe Mwini, omo Mwa kali kukkalila, nkabela Wa kauzapula aa Kalivari. Ciyaso Cakwe, kacisweka malowa, mpakayaswa, nkabela sumo lya kanjila omuya aku Mu zapula, nkabela Bulowa Bwakwe bwaka poomoka. Elyo Wa kati, “Taata, mu maanza Aako, Nda pa Muuya Wangu.” Wa kakotamika mutwe Wakwe. Elyo nyika yaka zungaana, a lulabo lwakamweka, nkabela mizunzumo yaka ndindima. Leza wakali kulemba cipangano Cakwe citeeli.

423 Elyo Wa gusyaa mubili Wakwe wakafwide mu cuumbwe, aa buzuba butaanzi bwa Mwiki, akuuleta ku Julu, a kuukkazika mbuli Mupaizi Mupati, mbuli ciibalusyo; kaukkede alya, cakulondoka, kwalyonse. Elyo Wa katuma Muuya eyo Ngwa kazapula kuzwa ku mubili oyo, kujokela ansi eni ku Mbungano. Elyo Mbungano eyo iyakuba a Muuya nguonya wakali mu mubili oyo, nape tau kazuminani a Nguwo mu bubuke. Ezyo zibeela zyobilo zyelede kunjila cakulondoka. Alimwi ikuti na eyi Mbungano tai londokede, mbubonya ncobeni nguonya Muuya wakali muli Kristo, to kaunki mu Kukwempwa.

424 Nceeci cipangano citeeli, mukwesu. Koli gulunganya, omwini, cintu cili mu moyo wako omwini. Muyande Mwami. Kuba masimpe ncobeni kuti waka futuka. Uta kulyi ku coolwe kuli ncico. Yebo uuma cisolo. Oh, nywebo, tu bantu bana America, tula yandisya kuuma zisolo, pele muta umi cisola ali Ceeco. Amube masimpe kuti muli luleme. Kutali kuti waka sangana mbungano, pele nkaambo kakuti wakazyalululwa nconzyo, Kristo wasika kuli nduwe, muciiimo ca Muntu wa Muuya Uusalala.

425 Lino, kupa kwabuyo, akwalo, mbuli Mbwe jala. Obo mbo tweelede ku kkomana, kubona Muuya nguonya wakali muli Jesu Kristo, mpoonya akati kesu, kacita zintu nzyoonya Nzya kacita cindi Na kali waano aa nyika! Obo mbo tweelede ku kkomona!

Atu kombe lino, mbuli mbo tukotamika mitwe yesu.

⁴²⁶ Mwami, bwali buzuba bupati. Nekubakuti, Nda limvwa kuti Ndila cita lyoonse, Nda kakilwa. Nse konzyi Kuu iminina kabotu, Mwami. Nda komba kuti Ula ndijatila ku nzila zyangu zya bufuba. Oh, Nda zyaamba zibi zyangu kumbele Lyako, a kulomba luse, mukuziba kuti kuli Mupaizi Mupati wiimvwi kulaale ku janza lyalulyo lwa Leza, ku Majulu, Oyo wata kabambwa mbuli Aroni, mbuli milawo a zyeede a zintu. Pele Wa kabikkwa Alya nkaambo ka luzyalo lwa Leza lwa kalangilwa kunembo, kuzwa ku malengelo aa inyika, aku ndibona ansi awa mu inyika, a kufwida zibi zyangu, kundi pilusya ku Bwami bwa Leza. Nda Ku lumba, Taata, kuli ceeci.

⁴²⁷ Nkaambo, oyu Muuya ulalela lino mu bantu Bako Uutamani mbuli Leza mbwali Uutamani. “Njo bapa Buumi Butamani, Buumi bwa lyoonse, Buumi buteeli, alimwi taba kalobi.” Elyo ku Lubeta, taba kabiko. Ba kaindila ku lubeta. Ba kaunka mu Bulemu. “Elyo ikuti na eci cilao camwaika, tuli jisi comwe cilindila ndiswe kale kutala ciciza.” Nda Ku lumba kuli ceeco, Mwami.

⁴²⁸ Nda lomba lino, ikuti na kuli umwi ano, sunumasiku, uutana kunywa Bulowa bwini bwa cipangano, oyo uutazyi eco nco Ca amba, uutazyi eco nco caamba kuzyalululwa, kuba a luswaanano lwini a Kristo mu moyo wabo, na moyo wakwe, akube kuti ba Mu tambule ndyoonya lino, mbuli mbo tu lindila a kupa ciindi eci. Elyo ku Buzuba obo, twa lomba kuti tu kaiminine Makanimabotu mu Mumuni uululeme. Twa lomba, mu Zina lya Kristo.

⁴²⁹ Kuciindi notu kotamikide mitwe yesu, sa kuli muntu inga watambika maanza akwe kuli Kristo, a kwaamba, “Kristo wa Leza, koba siluse kuli ndime. Kondi lekela, mbuli mulanda Wako uteeleli, lino kutambula Muuya Uusalala mu moyo wangu. Alimwi ndipe kaanzambwene a luyandisyo olo Ndwe bulide kapati?” Ikuti na to Ujisi, sa inga watambika buyo maanza ako kuli Nguwe, kwaamba, “Mwami, eci naitondezyo cakuti Ndila Uyanda?” Sa inga wanyamuna janza lyako? Leza aku longezye kusule okuya, omulindu. Leza aku longezye awa, munene. Aku longezye awa, munene. Leza abe andinywe. Kuli kabotu. Oyu mwaalumi kumamanino awa, Leza aku longezye, mukwesu wangu. Alimwi umwi umbi, katutana kujala lino, kulindila buyo kwa ziindi zisyoonto. Leza aku longezye kusule okuya, musankwa. Umwi umbi?

⁴³⁰ “Nda yanda lino. Nda yanda, Mwami Leza. Yebo uluuzi moyo wangu. Yebo ulizi cili mu mizeezo yangu. Yebo, ‘I Muuya wa Leza ngwa buumi loko a kubosya kwiinda ceba lya mabemba obilo, akwalo kuyasa kwandaanya mooba wa cifuwa, a Sikutwela wa miyeeyo ya moyo.’” Amu ciyeeye Eco. Uli zyi njionya miyeeyo yanu, a makanze anu.

431 Sa inga watambika janza lyako? Kwaamba, “Koba siluse kuli ndime, Leza, ndyoonya lino. Ndi—Ndi yanda kuti Uzibe kuti Ndi lizi kuteeli Nse luzi, alimwi Nda ciziba, pele Ndi yanda ku lulama.” Ncibotu, kuciindi notu vundeme buyo mitwe yesu, kukomba lino, amuyeeye buyo asyoonto. Ta tuyanda kubinda kujatikizya ceeco.

Mwaala wa makkalo, ndibikke mu mpangala,
Andi lisise muli Nduwe;
Lekela maanzi a Bulowa,
Kuzwa ku lubazu Lwako zikunka . . .
Kuba zya cibi i kobi- . . .

Kusilika kobilo! Wa ka kukonkezya, zintu zyabilo zitacinci.

Kuvunwa ku bukali akundi bamba kunjoloma.
Kuciindi Ne kwela . . .

432 O Mwami, kopa buyo lino kutegwa toonse tuzibe kuti oku kuyoya nko tukwela kuyo mana kufwambaana. Ta tuzyi kunji kumbi nko tujis kumbele lyesu. Nku koonse kwinda ku lulayo Lwako. Kula kanzwa a Nduwe. Oh, kuba siluse kuli ndiswe. Alimwi kuli baabo batambika maanza abo, Mwami, taku yandikani kubaamba pe. Uli bazyi boonse babo. Pele Nda tuula buyo oyu mupailo waku bakombelezeyya. Nda lomba kuti Uka gusyee kuzulwa kuli ku moyo wabo, akuba lekela kuboola acamba, ndyoonya lino, ku Cuuno cabwami; kweenda acamba nkoonya ku Cuuno ca Leza cabwami, kutaminina zyoolwe zyabo zyakapegwa aa Leza. Wa bacitya kutambika maanza abo. Niba takonzya kuli lwabo. Elyo Nda lomba, Leza, kuti Ula pa ceeci mu Zina Iya Jesu. Amenii.

. . .lwangu muli Nduwe;

Lino, ko Mu komba buyo lino.

Lekela maanzi a . . . (Oh, ma!)
Kuzwa ku lubazu Lwako lwakayaswa
kwakazwa,
Kuba zya kusilikwa kwa cibi kobilo,
Kuvunwa ku bukali akundi bamba kunjiloma.

433 Mbangaye balimvwa kabotu loko lino? Tambika janza lyako, akuti, “Alumbwe Mwami!” [Mbunga yaamba, “Alumbwe Mwami!”—Mul.] Oh, Walo mubotu! Oh!

Kuli Busena Ku Kasensa. Sena uli luzi na, Mucizi Gertie? Atu. Mbangaye baluyanda lwiimbo olo? Lino tulaba a mulimo wa lubapatizyo, asyoonto buyo. [Mukwesu Branham wakanana ku Mukwesu Neville—Mul.] Sa ula babbizya? Ncibotu.

Busena, iiyi, kuli busena,
Kuli busena ku Kasensa bwako;
Busena, busena . . .

434 Yaa. Abo bantu basikubbila, baalumi balainka ku kaanda *aka*, banakazi kuli *aka* kamwi, ncibotu, abo beelede kubbizgwa mu Zina lilelekedwe lya Mwami wesu.

. . . kabotu kuli nduwe,
Kuli busena ku Kasensa bwako;
Leza wakali kabotu loko kuli ndime,
Kuli busena ku Kasensa bwako.

435 Onse muntu lino.

Busena, busena, iiyi, kuli busena,
Kuli busena ku Kasensa bwako;
Oh, busena, busena, iiyi, kuli busena,
Kuli busena ku Kasensa bwako.

436 Oh, Nda luyanda olo lwiimbo lwakaindi. Mula cita na?

Kuli busena ku Kasensa bwako;
Oh, busena, busena, kuli busena bunji,
Kuli busena ku Kasensa.

437 Lino, kuciindi mwaalu na njila, ku kulimbia lubbizyo, Ndi yanda kupandulula ku bbunga. Elyo Ndila lomba bamadaikona bamwi, ikuti na bala konzya kundimvwa mu kaanda, cindi bali bambila, kuboola a—a kundaambila, elyo kutegwa tu suzye ma maikkrofooni. Tu yanda nyoonse kubona ceeco. Kutandila buyo ku maminiti ali kkumi kwindilila, elyo mbungano ula mwaisigwa.

438 Lino Ndi yanda kubala Magwalo asetekene kuli ndinywe. Ndi yanda kwaabala kuzwa mu Bbuku lya Ncito. Alimwi Ndi yanda kutalikila kampango ka 12 ika chipati ca 2 ica Ncito.

439 Lino, Ndi yanda kuti mubonesye mu chipati ca 16 ica Musalali Luka, na ica Musalali Matayo, Nda syoma ili obo, kuteeti Jesu wakali kuboola kaseluka cilundu. Ba. . . Kati kuli basikwiiya Bakwe, “Ino banta baamba kuti ndimeni Nde Mwana wa muntu?”

440 “Elyo bamwi babo bakati, baa, Nduwe ‘Eliasi.’ Alimwi bamwi bati Uli—Uli ‘i Musinsimi.’ Alimwi bamwi balati Nduwe *oyu* na i *umbi*.”

441 Wa kati, “Pele mwaamba kuti Mebo Ndi meni?”

442 Elyo Petro wakati, “Nduwe Kristo, Mwana wa Leza muumi.” Mbo mbubo? [Mbunga yaamba, “Ameni.”—Mul.]

443 Jesu wakati, “Ulacoolwe yebo, Simooni mwana wa Jonasi, nkambo taakwe muntu uulya maila wayubununa ceeci. To kaciya mu seminari. To ka Ciiya ku muntu.” Kati, “Pele Taata Wangu uli ku Julu waku yubunwida ceeci. Elyo Nda amba kuti nduwe Pero. Atala lya mwaala oyu Njo yaka Mbungano Yangu. I milyango ya gehena tai Ka izundi. Alimwi Nda kupa zizaluzyo zya ku Bwami bwaku Julu.” Sa mbo mbubo? [Mbunga yaamba, “Ameni.”—Mul.] “Eco yebo nco yoanga aa nyika, Njo caanga mu

Julu. Eco ncoya kwaanga aa nyika Njo caanga ku Julu.” Sena Wa ka Ci kanzila? Na taka Ca amba. Lino, mbuli ciindi mbo ciyabuya, lino, Petro waka jisi zijaluzyo ku Bwami.

444 Lino, nobantu ba Katolika, inga mwayeeya ceeci, kuti mulati, “I mbungano ya Katolika iyakilidwe aa Petro.” Yaa, tula zyiba. “Ba ka jisi zijaluzyo. I mbungano ya Katolika icijisi zijaluzyo.”

445 Atu bone eco *Petro* nca kacita kujatikizya zijaluzyo, mwabona, mpawo tula ziba. I Bbaibbele lyakati, kuli Petro a kuli bamwi baaposto, “Kamuya mu inyika yonse. Kufumbwa zibi nzo mwajatila, kuli mbabo zya jatilwa. Kufumbwa zibi nzomwa tajailla zino bajisi.” Kuteeti, inga Nda caamba kutegwa... Umwi kwayanda atamvwisyi eco Nce wamba. Jesu wakati ku bapostolo, “Kufumbwa zibi nzo mulekelela, Njo zilekelela ambebo. Alimwi kufumbwa abo bala zibi nzo mwata lekelela, a ku zibikilila kuli mbabo, Njo zibikilila kuli mbabo ambebo.” Nce ncico Jesu nca kaamba.

446 Amulangilile mbungano ya Katolika kutontela kuli ceeco.

447 Pele atu bone mbo baka cicita. Mpawo ikut na twa ziba obo mboba kacicita, nkokuti tweeledede kucicita munzila njionya. Lino atu bone.

448 Mbuzuba bwa Pentekoste. I Mbungano kainanikwa. Bonse bakali mu ng’anda ya mujulu. Bantu bakazwa omuya, ka baambaula mu zisyobo zyandeene. Nkaambonzi? Coonse cisyobo kungsi lya Julu caka imininwa okuya. Chikuwa cakaliko acalo. Coonse cisyobo kungsi lya Julu bakali okuya, eco cisyobo caka kukananwa mu buzuba obo. Cainka ambele awa a kupa zisyobo zinji, anzila bana Kreti a beenzu a basanduki baku Rome, a—a—a bana Arebiya, a bonse baakanan a kule-. . . Lino, tee bakali kwaambaula mu myaambo itazizilwe. Ba kali kwambaula mu zisyobo zyaka zizilwe, ku bantu. Kutali myaambo itazizilwe, pele zisyobo ezyo umwi aumwi mwakavwa. I sizibi, uutasyomi, waka konzya kumvwa eco nca kali kwaamba. “Mbobuti mbo tumvwa mu cisyobo cesu cini mwalo mo—mo twa kazyalilwa?”

449 Lino amulange. Lino mubuzyo wasika. Lino, “Bamwi bakasabula.” I kampango ka 12, yaa.

Elyo boonse bakagambwa, elyo . . . mu kuzumbauzya, kwaamba kuli umwi aumwi, ino eci caamba nzi?

Bamwi bakasabula a kuti, Aba . . . bakoledwe mbote ilweela.

450 Ba kali kuba fubaazy. Nkaambo, bakali kucita buti? Ba kali kudadalika mbuli bantu bakoledwe, mbuli bantu bakoledwe. Kwaambaula, kaba tazi nco bakali kwaamba, pele bakali kukambauka ku mbunga mu zisyobo nzoba takazyi, pele mbunga yakalizi. Mwabona? Yaa.

Bamwi...bakati, Ba koledwe mbote ilweela, amulange mbo bakali kulilemeka.

Bamwi bakasabula, kwaamba, Aba...ba zwide zya...

“Pele Petro...” Pakamana, mulombe! Ujisi zijalusyo.

Pele Petro, kaimvwi a bali kkumi aumwi, baka sumpula jwi lyakwe, aku baambila,...

Lino, amuyeeye, oku nkunanikwa kutaanzi kwa Mbungano.

...Nobantu baku Judaya, alimwi...nywebo nomu kkala mu Jerusalemu, aku zibwa kuli ndinywe, aku swiilila ku majwi angu:

Nkambo aba taba koledwe, mbuli mbo muyeeyela, mukubona kuti cicili ciindi ca cikasaazi ca sikati.

Mabbiyaholo takali kujulwa akwalo eelyo. Mwabona?

Pele eci nceeco cakaambwa aa musinsimi Joeli;

...ciya kuboola kucitika ku mazuba akumamanino, mbwaamba Leza, Njo tila Muuya wangu aa bantu boonse: atala lya bana banu balombe a...basimbi, nkabela bayo sinsima, alimwi bakubusyi banu basankwa bayo bona zilengaano, alimwi bamadaala banu bayo lota ziloto:

Elyo aa balanda bangu alimwi...wangu mubelesi mukazi Njo tila mu mazuba ayo Muuya wangu;...bayo sinsima:

Alimwi Njo tondezya zigambyo ku i julu, a zitondezyo kungsi lya nyika;...

Lino, ngu Petro kakambauka lino, oyo waka jisi zijalusyo.

...bulowa, ...mulilo, ...meenda a busi:

I zuba liyo sanduka kuba mudima, ...mweezi uyosanduka kuba bulowa, kabutana i buzuba bupati a buzizilwe bwa Mwami bwa kusika:

Elyo ciyo boola kucitika, kuti kufumbwa uya kwiita aa zina lya Mami uyo futulwa.

Nobantu ba Israyeli, amumvwe majwi aya; Jesu waku Nazaleta, muntu waka tondezegwa aa Leza akati kanu ku maleele a zigambyo a citondezyo, ezyo nzya kacita...akati kanu, ...nywebo lwanu...mulizi:

Waambaula kutapatila? Wa kajisi zijalusyo, nywebo mulizi.

Ba...

Walo, mu kuvunwa ku bantu batakwe mulao a i kukanzwa kwa Leza,...

Mpaawo we. Ino Wa kakonzya buti kuvunwa? Nkaambo Leza waka cikanzila kuba boobo. Mwabona? Kuzibakale kwa Leza!

451 [Ii mukwesu wabuzya Mukwesu Branham, “Walibambila?”—Mul.] Asyoonto buyo. Baambile, balindile buyo aniini, mane Ndi manizye Lugwalo.

. . . mwa kabweza, ku i maanza mabi, mwa kabambula a kujaya:

Oyo Leza ngwa kabusya, a kwaangulula ku macise a lufu: nkaambo tii cakali kukonzeka . . .kuti weelede kujatililwa.

Nkambo Davida wa kaamba kujatikizya nguwe, Nda kamubwenekale Mwami lyoonse . . .ku janza lyalulyo, alimwi Nse ka sunzigwi:

Nkikaako moyo wangu waka sekelela, alimwi mulaka angu waka kkomana; abumbi . . .mubili wangu uyo pumuna mu bulangizi:

Nkaambo to ka siyi muuya wangu mu gehena, naanka kuyo lekela Umwi Uusalala wako kubona kubola.

Wa ka bamba kundi zibya . . .nzila zyangu—zyangu, nzila zyangu buumi bwangu; uyo ndi bamba kuzulwa lutangala antomwe a ciwa cangu.

Baalumi a bakwesu, andaambe ca kwaanguluka kuli ndinywe zya sikale Davida, . . .uli fwide a kuzikkwa, nkabela cuumbwe cakwe cili andiswe . . .buzuba obuno.

Nkikaako mukuba musinsimi, a kuziba kuti Leza wa konkezya a cikonke . . .

Nda zwaa kumana ku cikambauka.

. . .kuti kweendelana—kweendelana ku i micelo ya cikungu cakwe, walo uyo . . .kweendelana ku nyama, uyo busya Kristo akumu kkazika aa cuuno cakwe;

Buyo nce Nda zwaa kumana kukambauka. Petro kakambauka cintu nciconya.

Elyo mukubona ceeci kumbele, i musinsimi wakali cibwene kale, wa kaamba zya bubuke bwa Kristo, kuti oyu muuya tii waka sigwa mu gehena, naanka mubili wakwe waka bona kubola.

Oyu Jesu walo Leza ngwa kabusya, oko nko tuli bakamboni toonse.

Nkikaako muku sumpulwa, a ku janza lya lulyo . . . mukuba ku janza lyalulyo, wakasumpulwa ku julu, muku tambulwa kuli Taata . . .cisyomezyo ca Muuya Uusaala, walo . . .katila ceeci, eco nco mubona a kumvwa.

Nkambo Davida taka tanta kuya ku julu, (musinsimi): pele walo mwini wakati, I MWAMI wakati ku Mwami wangu, Kkala ku janza lyangu lyalulyo,

Kusikila Nka bamba balwani bangu kuba butandabilo bwa maulu.

Nkikaako (amuswiilile kuli ceeci) aizibe yonse ng'anda ya Israyeli masimpe, kuti Leza wa bamba oyu Jesu nguwenya, ngo mwa...kabambula, kuba Mwami a Kristo.

Eco ceelede kucibamba. Embo na?

Lino cindi niba kamvwa obu, balo basizibi, ba kayaswa mu myoyo yabo, akuti kuli Petro... Baalumi... a Petro a... bamwi... baapostolo, Baalumi a bakwesu, ino tula cita buti?

452 Yaa. Mpaawo mpo mubede. Ino ujisi nzi? I cijaluzyo, cijaluzyo ku Bwami. Buli kuli Bwami? Buli mukati kanu. Mbo mbubo na? I Muuya Uusalala Mbwami bwa Leza. Tuli cizi. Twa kazyalwa mu Bwami, mbuli balelwa a baiminzi. Amulange. Ujisi zijaluzyo ku bbazu lyakwe. "Ino uyo citanzi a ncico?" Eci cakali ciindi citaanzi mulyango niwa kasola kujulwa.

453 Lino, mubuzyo wakabuzigwa ku mukambausi, kwa ciindi citaanzi, oyo waka jisi cijaluzyo. Nda syoma na kaamba kuti, "Koimikila aa mutwe wako," eco nicakaba camulao.

454 "Kufumbwa nco mwanga aa nyika, Njo anga ku Julu." Yaa. "Kufumbwa nco amba, Njo wamba cintu ciconya. Ujisi cijaluzyo." Yaa. Wa sekka cijaluzyo ku mulyango.

... Ino ucita nzi? *Baalumi a bakwesu, ino tula citanzi?*

Lino cindi niba kamvwa ceeci, ba kayaswa mu moyo wabo, a kuti... Baalumi a bakwesu, ...

... *Petro wakati kuli mbabo, Amusanduke, ku bbizigwa umwi aumwi wanu mu zina lya Jesu Kristo kuti mujatilwe cibi, nkabela muyo tambula cipego ca Muuya Uusalala.*

Nkambo cisyomezyo eci cili kuli ndinywe, alimwi aku bana banu, akuli baabo bali kulaale, nobaba bonse Mwami Leza mbaya kwiita.

Caka cibamba kwalyonse. Taakwe bantu bakasola, mu ciindi cili conse, bakakonzya kusola, kusola kukazya Ceeco.

455 I mbungano ya Katolika yakasika ambali, mucibaka ka kunyikizya, bala sansaila. Mucibaka cakubelesya Zina lya Jesu, ba kabweza, "Taata, Mwana, a Muuya Uusalala." Kwiina nicaka yiisigwa mu Bbaibbele.

456 Onse muntu, kuzwa ku ciindi eco, wakabbizigwa ku kunyikizigwa mu Zina lya Jesu Kristo. Elyo bamwi baka nyikizigwa kuli Johane Mubapatizi, oyo wakabbizya Jesu, nkabela Paulo waka baambila kuti tiiba kali kukonzya kutambula Muuya Uusalala mbuli boobo. Ba kacita kujokela a kubapatizigwa alimwi, alubo, mu Zina lya Jesu, kabatana

kukonzya kutambula Muuya Uusalala. Mbangaye bazi olo Ndugwalo? [Mbunga yaamba, “Ameni.”—Mul.] Ncito, chipati 19. Mpaawo we. Nkaambo, Bwami bwaku Julu bwaka namatikwa kuzila imwi imbi, ku cikonke ca Jesu Kristo, kuti eco ciyooba camulao ku Julu.

. . . Amusanduke, akubbizigwa umwi aumwi mu zina lya Jesu Kristo kuti mujatilwe zibi zyanu, . . . muyo tambula cipego ca Muuya Uusalala.

Nkaambo, cisyomezyo cili kuli ndinywe, a ku bana banu, . . . kuli baabo bali kulaale, nobaba boonse Mwami Leza wesu mbayo ita.

Ameni. Atu kombe.

⁴⁵⁷ Taata Leza, sunumasiku, myaka ili cuulu amyaanda ili fuka amwi atala yakainda, nekubaboobo a kusyomeka a kululama kwa myoyo ya bantunsi icompolweda Leza, mbulii bana boompolweda mukupa wa nkolo zya bamanyina. Tula Ku yanda, Mwami. Ta tukonzyi kupona kakutakwe Nduwe. Mbuli Davida mbwa kaamba, “Muuya wangu usukamina Nduwe, mbuli insya mbwi fwekembela maanzi amu kalonga.” Wa keelede kuba a Ngawo, nape kufwa.

⁴⁵⁸ Elyo, Taata, twa inda monse mu Magwalo, konse akonse. Kutaba baindene, pele tula abona maseminari aya, aba basicikolo balwiiyo lwabukombi sunu, abo bakambauka kweendelana ku milao ya bantu, akutali ku milao ya Leza. Nkikaako, Mwami, ta tuba sampauli abo bantu, pele tu sampaula ezyo zintu nzoba yiisya. Nkikaako, Mwami, twa lomba kuti babe bakwesu. Twa lomba kuti uba jatile bulubizi bwabo. Alimwi twa lomba kuti bayo boola ku Lugwalo, ku Lu bala, kutali munzila seminari mbo Lu luyiisya, pele kweendelana ku nzila Leza njaka Lu lembe.

⁴⁵⁹ Twa lomba, Leza, ono, kuti aba basikubbila baboola sunumasiku ku lubbizyo lwa maanzi, mbuli mweembeli wesu sicamba mbwa njila mu cikambaukilo eci kuzwa awa, ku kambauka Makanimabotu, aya ngaonya Makanimabotu, alimwi mpawo ku ciziba calubbizyo, ku kuzikka, kopa, Mwami, kuti umwi aumwi wa baba bayo tambula Muuya Uusalala, nkaambo Wa kapa cisyomezyo, “Muyo tambula Muuua Uusalala.” Akube kuti Muuya wa Leza kuulindila atala lya maanzi, ku kutambula sikubbila sunumasiku, nkambo twa batuula mu maanza Aako, mu Zina lya Jesu Kristo. Ameni.



BAHEBRAYO, CHIPATI CACILOBA ² TNG57-0922E
(Hebrews, Chapter Seven ²)

MATOBELANWA AA BBUKU LYA BAHEBRAYO

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsondo mangolezya, Itwi 22, 1957, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org